

1 CRONICAS

I p'olbal Adán

(Gn. 5.1-32; 10.1-32; 11.10-26)

1 ¹⁻⁴ Jiñobach winicob tsa' bλ ajniyob ti cajibal pañimil: Adán, Set, Enós, Cainán, Mahalaleel, Jared, Enoc, Matusalén, Lamec, Noé, Sem, Cam, Jafet.

⁵⁻⁷ Jini ch'iton bλ i yalobilob Jafet jiñobach: Gomer, Magog, Madai, Javán, Tubal, Mesec, Tiras. Jini ch'iton bλ i yalobilob Gomer: Askenaz, Rifat, Togarma. Jini ch'iton bλ i yalobilob Javán: Elisa, Tarsis, Quitim, Dodanim.

⁸ Jini ch'iton bλ i yalobilob Cam: Cus, Mizraim, Fut, Canaán.

⁹ Jini ch'iton bλ i yalobilob Cus: Seba, Havila, Sabta, Raama, Sabteca. Jini ch'iton bλ i yalobilob Raama: Seba yic'ot Dedán.

¹⁰ Yambλ i yalobil Cus jiñach Nimrod tsa' bλ wen q'uejli ti ñuc ti pañimil. ¹¹⁻¹² I p'olbalob Mizraim jiñobach: Jini ludimob, jini anamimob, jini lehabimob, jini naftuhimob, jini patrusimob, jini caftorimob jini casluhimob. Jini casluhimob jiñobach i ñojte'elob jini filisteojob.

¹³⁻¹⁶ Jini ch'iton bλ i yalobilob Canaán jiñobach Sidón jini ascuñaλ bλ yic'ot Het. Canaán jiñach i ñojte'el ja'el jini jebuseojob, jini amorreojob, jini gergeseojob, jini heveojob, jini araceojob, jini sineojob, jini arvadeojob, jini zemareojob, yic'ot jini hamateojob.

¹⁷ Jini ch'iton bλ i yalobilob Sem jiñobach: Elam, Asur, Arfaxad, Lud, Aram, Uz, Hul, Geter, Mesec. ¹⁸ I yalobil Arfaxad jiñach Sela. I yalobil Sela jiñach Heber. ¹⁹ An cha'tiquil ch'iton bλ i yalobilob Heber, Peleg yic'ot Joctán. An i sujmllel i c'aba' Peleg, t'oxbil, come tsa' t'oxleyob

winicob x'ixicob año' ba ti pañimil ti t'an tac che' cuxul to Peleg. ²⁰⁻²³ Jini ch'iton ba i yalobilob Joctán jiñobach Almodad, Selef, Hazarmavet, Jera, Adoram, Uzal, Dicla, Ebal, Abimael, Seba, Ofir, Havila, Jobab.

²⁴⁻²⁷ I yalobil Sem jiñach Arfaxad. I yalobil Arfaxad jiñach Sela.

I yalobil Sela jiñach Heber. I yalobil Heber jiñach Peleg. I yalobil Peleg jiñach Reu. I yalobil Reu jiñach Serug. I yalobil Serug jiñach Nacor. I yalobil Nacor jiñach Taré. I yalobil Taré jiñach Abram (ti wi'il tsa' otsabenti i c'aba' Abraham).

I p'olbalob Ismael, yic'ot Cetura, yic'ot Esaú

(Gn. 25.1-6, 12-18; 36.1-43)

²⁸⁻³¹ I yalobilob Abraham jiñobach Isaac yic'ot Ismael. I yalobilob Ismael jiñobach:

Nebaiot jini ascuña ba, yic'ot Cedar, Adbeel, Mibsam, Misma, Duma, Massa, Hadad, Tema, Jetur, Nafis, Cedema.

³² Che' ja'el Cetura, i yixic Abraham, tsi' yac'a ti pañimil:

Zimram, Jocsán, Medán, Madián, Isbac, Súa. Jini ch'iton ba i yalobilob Jocsán jiñobach Seba yic'ot Dedán. ³³ Jini ch'iton ba i yalobilob Madián jiñobach: Efa, Efer, Hanoc, Abida, Elda. Ti pejtelel iliyi jiñobach i yalobilob Cetura jini i yijñam Abraham.

³⁴ I yalobil Abraham jiñach Isaac. An cha'tiquil ch'iton ba i yalobilob Isaac, Esaú yic'ot Israel.

³⁵ Jini ch'iton ba i yalobilob Esaú jiñobach Elifaz, Reuel, Jesús, Jaalam, Coré. ³⁶ Jini ch'iton ba i yalobilob Elifaz jiñobach Temán, Omar, Zefo, Gatam, Cenaz, Timna, Amalec. ³⁷ Jini ch'iton ba i yalobilob Reuel jiñobach Nahat, Zera, Sama, Miza.

³⁸⁻³⁹ An yamba ch'iton ba i yalobilob Esaú: Lotán, Sobal, Zibeón, Aná, Disón, Ezer, Disán. An xch'oc ba i yalobil Esaú jiñach Timna. Jini ch'iton ba i yalobilob Lotán jiñobach Hori yic'ot Homam. ⁴⁰ Jini ch'iton ba i yalobilob Sobal jiñobach Alván, Manahat, Ebal, Sefo, Onam. Jini ch'iton ba i yalobilob Zibeón jiñobach Aja yic'ot Aná. ⁴¹ Jini ch'iton ba i yalobilob Aná jiñach Disón. Jini ch'iton ba i yalobilob Disón jiñobach Amram, Esbán, Itrán, Querán.

⁴² Jini ch'iton ba i yalobilob Ezer jiñobach Bilhán, Zaaván,

Jaacán. Jini ch'iton ba i yalobilob Disán jiñobach Uz yic'ot Arán.

⁴³Jini reyob tsa' ba i cha'leyob i yumantel ya' ti Edom che' maxto anic rey ti Israel jiñobach Bela i yalobil Beor tsa' ba chumle ti tejclum i c'aba' Dinaba. ⁴⁴Che' chamenix Bela, tsa' caji ti yumantel Jobab i yalobil Zera, ch'oyol ba ti Bosra. ⁴⁵Che' chamenix Jobab, tsa' caji ti yumantel jini Husam, ch'oyol ba'an temañob. ⁴⁶Che' chamenix Husam, tsa' caji ti yumintel Hadad (i yalobil Bedad) jini tsa' ba i jisa Madián ya' ti' lumal Moab. Hadad tsa' caji ti yumantel ti tejclum i c'aba' Avit. ⁴⁷Che' chamenix Hadad, tsa' caji ti yumintel Samla ch'oyol ba ti Masreca. ⁴⁸Che' chamenix Samla, tsa' caji ti yumintel Saúl ch'oyol ba ti Rehobot am ba ti' t'ejl jini colem ja' i c'aba' Eufrates. ⁴⁹Che' chamenix Saúl, tsa' caji ti yumantel Baalhanán (i yalobil Acbor). ⁵⁰Che' chamenix Baalhanán, tsa' caji ti yumintel Hadad ya' ti tejclum i c'aba' Pai. I c'aba' i yijñam jiñach Mehetabel xch'oc ba i yalobil Matred, i yalobil ba Mezaab.

⁵¹⁻⁵⁴Che' ba tsa' chami Hadad, jiñobach reyob año' ba ti Edom: Timna, Alva, Jetet, Aholibama, Ela, Pinón, Cenaz, Temán, Mibzar, Magdiel, Iram.

I p'olbalob Israel

(Gn. 35.22-26)

2 ¹⁻²Jiñobach ch'iton ba i yalobilob Israel: Rubén, Simeón, Leví, Judá, Isacar, Zabulón, Dan, José, Benjamín, Neftalí, Gad, Aser.

I p'olbalob Judá

³An uxtiquil ch'iton ba i yalobilob i yijñam Judá, i c'aba' Batsúa ch'oyol ba ti Canaán: Er, Onán, yic'ot Sela. Er jiñach ñoj ñaxan ba i yalobil Judá. Jontol jax ili winic ti' wut lac Yum. Jini cha'an tsi' tsansa. ⁴Judá tsi' pi'le Tamar i ya'lib. Tsi' yac'la ti pañimil Fares yic'ot Zera. An jo'tiquil ch'iton ba i yalobilob Judá ti pejtelel. ⁵Jini ch'iton ba i yalobilob Fares jiñobach Hezrón yic'ot Hamul. ⁶I yalobilob Zera jiñobach Zimri, Etán, Hemán, Calcol, Dara. ⁷I yalobil Carmi, jiñach Acán. Jiñach tsa' ba i tic'la israelob, come tsi' xujch'ibe i chub'an Dios. Cabal tsi' tic'layob israelob. ⁸Azarías jiñach

i yalobil Etán. ⁹Jini ch'iton ba i yalobilob Hezrón jiñobach Jerameel, Ram, yic'ot Quelubai. ¹⁰Ram i tatach Aminadab. Aminadab i tatach Naasón, juntiquil yumal ba ti Judá.

¹¹Naasón i tatach Salmón. Salmón i tatach Booz.

¹²Booz i tatach Obed. Obed i tatach Isaí. ¹³Jini ascuñaal ba i yalobil Isaí jiñach Eliab. I cha'ticel ba i yalobil jiñach Abinadab. I yuxticlel ba jiñach Simea. ¹⁴I chanticlel ba jiñach Natanael. I jo'ticel ba jiñach Radai. ¹⁵I wacticlel ba jiñach Ozem. I wucticlel ba jiñach David. ¹⁶An xch'oc ba i yalobilob ja'el, jiñobach Sarvia yic'ot Abigail. An uxtiquil ch'iton ba i yalobilob Sarvia, jiñobach Abisai, Joab, Asael. ¹⁷I ñoxi'al Abigail jiñach Jeter ch'oyol ba ti' lumal Ismael. Abigail tsi' yac'la ti pañimil Amasa.

¹⁸Caleb (i yalobil Hezrón) tsi' paya cha'tiquil i yijñam, jiñobach Azuba yic'ot Jeriot. I yalobilob Azuba jiñach Jeser, Sobab, Ardón. ¹⁹Che' ba chamenix Azuba, Caleb tsi' paya Efrata cha'an i yijñam. Efrata tsi' yac'la ti pañimil Hur. ²⁰Hur i tatach Uri. Uri i tatach Bezaleel. ²¹Che' anix uxc'al i jabilel Hezrón, tsi' paya i yalobil Maquir cha'an i yijñam. Tsi' yila pañimil Segub. (Maquir i tatach Galaad ja'el.) ²²Segub i tatach Jair. Jair tsi' cha'le yumal ti' tojlel uxp'ejl i cha'c'al (23) tejclum tac an tac ba ti Galaad. ²³Pero Gesur yic'ot Aram tsi' chilbeyob Jair jini tejclum tac. Tsi' chilyob ja'el Kenat yic'ot uxc'al colonia tac an tac ba ti' joytalel. Ti pejtelel i p'olbalob Maquir (i tat Galaad). ²⁴Che' ba chamenix Hezrón, Caleb tsi' paya Efrata, jini clybil ba ti meba' che' ba tsa' chami i tat Caleb. Tsi' yac'la ti pañimil Asur. Asur i tatach Tecoa.

²⁵Jiñach ch'iton ba i yalobilob Jerameel jini ascuñaal ba i yalobil Hezrón: Ram, Buna, Orén, Ozem, Ahías. ²⁶An yamba i yijñam Jerameel i c'aba' Atara. Jiñach i ña' Onam. ²⁷Jini ch'iton ba i yalobilob Ram jiñobach Maaz, Jamín, Equer. ²⁸Jini ch'iton ba i yalobilob Onam jiñobach Samai yic'ot Jada. Jini ch'iton ba i yalobilob Samai jiñobach Nadab yic'ot Abisur. ²⁹Jini ch'iton ba i yalobilob Abisur yic'ot Abihail i yijñam jiñobach Ahabán yic'ot Molid. ³⁰Jini ch'iton ba i yalobilob Nadab jiñobach Seled yic'ot Apaim. Seled tsa' chami che' ñoj ma'anic i yalobil. ³¹Pero an i yalobil Apaim i c'aba' Isi. Isi i tatach Sesán. Sesán i tatach Ahlai. ³²An cha'tiquil i yalobilob Jada i yijts'in ba Samai, jiñobach: Jeter yic'ot Jonatán. Jeter

tsa' ch'ami che' ñoj ma'anic i yalobil. ³³Pero an cha'tiquil ch'iton ba i yalobilob Jonatán, jiñobach Pelet yic'ot Zaza. I p'olbalach Jerameel.

³⁴⁻³⁵Ma'anic ch'iton ba i yalobilob Sesán, pero an xch'oc ba i yalobilob. Sesán tsi' siji juntiquil xch'oc ba i yalobil cha'an mi' yochel ti' yijñam Jarha jini i winic ch'oyol ba ti Egipto. Tsi' yila pañimil i yalobil i c'aba' Atai. ³⁶⁻⁴¹Atai i tatach Natán. Natán i tatach Zabad. Zabad i tatach Eflal. Eflal i tatach Obed. Obed i tatach Jehú. Jehú i tatach Azarías. Azarías i tatach Heles. Heles i tatach Elasa. Elasa i tatach Sismai. Sismai i tatach Salum. Salum i tatach Jecamías. Jecamías i tatach Elisama.

⁴²Jini ascuñaal ba i yalobil Caleb i yeran Jerameel jiñach Mesa. Mesa i tatach Zif. Zif i tatach Maresa. Maresa i tatach Hebrón. ⁴³Jini ch'iton ba i yalobilob Hebrón jiñobach Coré, Tapúa, Requiem, Sema. ⁴⁴Sema i tatach Raham. Raham i tatach Jorcoam. Requiem i tatach Samai. ⁴⁵Samai i tatach Maón. Maón i tatach Betsur. ⁴⁶Efa i yixic Caleb tsi' yac'la ti pañimil Harán, yic'ot Mosa, yic'ot Gazez. Harán i tatach Gazez. ⁴⁷Jini ch'iton ba i yalobilob Jahdai jiñobach Regem, Jotam, Gesam, Pelet, Efa, Saaf. ⁴⁸⁻⁴⁹An yamba i yixic Caleb i c'aba' Maaca. Tsi' yac'la ti pañimil Seber, yic'ot Tirhana, yic'ot Saaf (i tat Madmana), yic'ot Seva (i tat Macbena yic'ot Gibeá). An xch'oc ba i yalobil Caleb ja'el, i c'aba' Acsa.

⁵⁰Jini ch'iton ba i yalobilob Hur (jini ascuñaal ba i yalobil Caleb yic'ot Efrata) jiñach Sobal (i tat Quiriat Jearim), ⁵¹yic'ot Salma (i tat Belén), yic'ot Haref (i tat Betgader). ⁵²Jini ch'iton ba i yalobilob Sobal jiñobach Quiriat Jearim yic'ot Haroe. Jiñach i ñojte'el lamital jini manahetob. ⁵³I pi'lob jini quiriat jearimob jiñobach jini itrajob, yic'ot jini futob, yic'ot jini sumatob, yic'ot jini misrajob. Jiñobach i ñojte'elob jini zoratob yic'ot jini estaolob.

⁵⁴I p'olbalob Salma jiñobach Belén i yalobil, yic'ot jini netofatob, yic'ot jini Atrot Betjoab, yic'ot ojilil jini manahetob, yic'ot jini zoratob. Jini xts'ijbayajob chumulo' ba ti Jabes i p'olbalach Salma. ⁵⁵Jiñobach jini tirateojob, yic'ot jini simeatejob, yic'ot jini sucateojob. Ti pejtelel jiñobach ceneojob i p'olbalob ba Hamat. Hamat i ñojte'el ja'el i pi'lob Recab.

I yalobilob David

(2 S. 3.2-5; 5.13-16; 1 Cr. 14.3-7)

3 Jiñach i yalobilob David tsa' ba i yilayob pañimil ti Hebrón. Jini ñoj ñaxan ba i yalobil jiñach Amnón. I ña' jiñach Ahinoam jini ch'oyol ba ti Jezreel. Jini i cha'ticlel ba i yalobil David jiñach Daniel. I ña' jiñach Abigail jini ch'oyol ba ti Carmel. ²I yuxticlel i yalobil jiñach Absalón. I ña' jiñach Maaca i yixic'al ba jini Talmai rey ba ya' ti Gesur. I chanticlel i yalobil jiñach Adonías. I ña' jiñach Haquit. ³Jini i jo'ticlel i yalobil jiñach Sefatías. I ña' jiñach Abital. Jini i wacticlel i yalobil jiñach Itream. I ña' jiñach Eglá. ⁴Ti' wacticlel i yalobilob tsi' yilayob pañimil ya' ti Hebrón, come ojilil waxacp'ejl jab tsi' cha'le i reyintel ya' ti Hebrón. Che' jini tsi' q'uexta i tejclum. Tsa' majli ti Jerusalén ba' tsi' cha'le i reyintel yamba uxlujump'ejl i cha'c'al (33) jab.

⁵Che' ya'ix an ti Jerusalén i yijñam David i c'aba' Betsúa (i yalobil ba Amiel) tsi' yac'la ti pañimil ch'iton ba i yalobilob. Jiñobach Simea, Sobab, Natán, yic'ot Salomón. ⁶⁻⁸Che' ja'el an yamba bolontiquil i yalobilob David. Jiñobach Ibhar, Elisama, Elifelet, Noga, Nefeg, Jaffa, Elisama, Eliada, Elifelet. ⁹An to yamba i yalobilob i yijñamob mach ba ñujpuñijemic yic'ot. Mach ochemic ti ili jun i c'aba' tac i yalobilob. An xch'oc ba i yalobil David ja'el. Jiñach Tamar.

I p'olbalob Salomón

¹⁰⁻¹⁴I p'olbalob jini rey Salomón jiñobach:

Roboam, Abías, Asa, Josafat, Joram, Ocozías, Joás, Amasías, Azarías, Jotam, Acáz, Ezequías, Manasés, Amón, Josías.

¹⁵I yalobilob Josías jiñobach Johanán, Joacim, Sedequías, Salum. ¹⁶I yalobilob Joacim jiñobach Jeconías yic'ot Sedequías.

¹⁷⁻¹⁸I yalobilob jini rey Jeconías che' cantabil ti otot cha'an soldado jiñobach iliyi: Asir, Salatiel, Malquiram, Pedaías, Senazar, Jecamías, Hosama, Nedabías.

¹⁹⁻²⁰I tat Zorobabel yic'ot Simei jiñach Pedaías. I yalobilob Zorobabel jiñobach iliyi:

Mesulam, Hananías, Hasuba, Ohel, Berequías, Hasadías, Jusab Hesed, yic'ot Selomit jini xch'oc ba i yalobil.

²¹⁻²²I yalobilob Hananías jiñobach Pelatías yic'ot Jesaías. I yalobil Jesaías jiñach Refaías. I yalobil Refaías jiñach Arnán. I yalobil Arnán jiñach Abdías. I yalobil Abdías jiñach Secanías. I yalobil Secanías jiñach Semaías. I yalobilob Semaías jiñobach Hatús, Igal, Barías, Nearías, Safat.
²³An uxtiquil i yalobil Nearías: Elioenai, Ezequías, Azricam.
²⁴An wuctiquil i yalobil Elioenai: Hodavías, Eliasib, Pelaías, Acub, Johanán, Dalaías, Anani.

I p'olbalob Judá

4 Jini ch'iton ba i yalobilob Judá jiñobach Fares, Hezrón, Carmi, Hur, Sobal. ²I yalobil Sobal jiñach Reaía. I yalobil Reaía jiñach Jahat. I yalobil Jahat jiñach Ahumai yic'ot Lahad. Jiñobach i pi'lob jini zoratob. ³⁻⁴I p'olbalob Etam jiñobach iliyi:

Jezreel, Isma, Ibdas, Hazelelponi jini xch'oc ba i yalobil, Penuel (i ñojte'el Gedor), Ezer (i ñojte'el Husa). Jini ascuñał ba i yalobil Hur jiñach Efrata jini tsa' ba i teche Belén.

⁵I tat Tecoa jiñach Asur. I yijñam Asur jiñach Hela yic'ot Naara. ⁶Naara tsi' yac'la ti pañimil Ahuzam, Hefer, Temeni, Ahastari. ⁷Hela tsi' yac'la ti pañimil Zeret, Jezoar, Etnán. ⁸I tat Anub yic'ot Zobeba jiñach Cos. Jiñach i ñojte'el ja'el i pi'lob Aharhel i yalobil ba Harum.

⁹Ñumen an i ña'talbal Jabes bajche' pejtelel i yerañob. I ña' tsi' yotsabe i c'aba' ti Jabes come wocol jax tsi' yubi che' ba tsi' yac'la ti pañimil. ¹⁰Jini Jabes tsi' pejca i Dios Israel ti oración: Awocolic aq'ueñon i yutslel a pusic'al. Coltañon ti que'tel. Yom ma' wajñel quic'ot ti pejtelel chuqui mic mel. Coltañon cha'an ma'anic mi' tajon mulil mi wocol. Che'ach tsi' c'ajtibe Jabes. Che' jini lac Yum tsi' yaq'ue jini tsa' ba i c'ajtibe.

¹¹⁻¹²I p'olbal Rea jiñobach iliyi: Quelub (i yeran Súa) i tatach Mehir. I yalobil Mehir jiñach Estón. I yalobilob Estón jiñach Betrafa, Paseah, Tehina. I yalobil Tehina jiñach Irnahas. ¹³I yalobilob Cenaz jiñobach Otoniel yic'ot Seraías. I yalobilob Otoniel jiñobach Hatat yic'ot Meonotai. ¹⁴I yalobil Meonotai jiñach Ofra. I yalobil Seraías jiñach Joab. Joab jiñach i ñojte'el jini chumulo' ba ya' ti Carisim. Che'ach tsa' otsabenti i c'aba' come yujilob e'tel ti tsucu taq'uin.

¹⁵I yalobilob Caleb (i yalobil Jefone) jiñobach Iru, Ela, Naam. I yalobil Ela jiñach Cenaz. ¹⁶I yalobilob Jehalelel jiñobach Zif, Zifa, Tirías, Asareel.

¹⁷I yalobilob Esdras jiñobach Jeter, Mered, Efer, Jalón. Mered tsi' cha'le ñujpuñel yic'ot Bitiah jini ch'oyol ba ti Egipto. I yalobilob Bitiah jiñobach Miriam, Samai, Isba. Isba jiñach i ñojte'el Estemoa. ¹⁸Jini i yijñam Estemoa ch'oyol ti Judá. Tsi' yac'la ti pañimil Jered (i ñojte'el jini gedorob), yic'ot Heber (i ñojte'el jini socojob), yic'ot Jecutiel (i ñojte'el jini zanoajob). ¹⁹I yijñam Hodías jiñach i yijts'in Naham. Juntiquil i yalobil jiñach i tat Keila jini garm. Yamba i yalobil jiñach Estemoa jini maacateo.

²⁰I yalobilob Simón jiñobach Amnón, Rina, Benhanán, Tilón. I yalobilob Isi jiñobach Zohet yic'ot Benzohet. ²¹⁻²²I yalobilob Sela (i yalobil ba Judá) jiñobach:

Er (i tat Leca), Laada (i tat Maresa), jini winicob x'ixicob ya' ti Betasbea mu' ba i jalob lino ba pisol, yic'ot Joacim, yic'ot i pi'lob Cozeba, yic'ot Joás, yic'ot Saraf (jini tsa' ba i cha'le yumal ti Moab che' maxto anic tsa' sujt majlel ti Lehem). Loq'uemix pejtelel i c'aba' ti jun an tac ba ti wajali.

I p'olbalob Simeón

²³Ili winicob wen yujilob melol jini p'ejt tac melbil ba ti lum, yic'ot e'tel ti pac'abal tac. Ti pejtelel tsi' melbeyob i ye'tel jini reyob.

²⁴I yalobilob Simeón jiñobach Nemuel, Jamín, Jarib, Zera, Saúl. ²⁵I yalobil Saúl jiñach Salum. I yalobil Salum jiñach Mibsam. I yalobil Mibsam jiñach Misma. ²⁶Misma i tatach Hamuel (i tat Zacur; Zacur i tatach Simeí). ²⁷An wactiquil (16) ch'iton ba i yalobilob Simeí. Che' ja'el an wactiquil xch'oc ba i yalobilob. Pero mach tanto añobic i yalobilob i yerañob Simeí bajche' i pi'lob ti Judá. ²⁸⁻³¹Jini tejclum tac ya' ba' tsa' chumleyob jiñobach: Beerseba, Molada, Hazarsual, Bilha, Ezem, Tolad, Betuel, Horma, Siclag, Betmarcabot, Hazarsusim, Betbirai, Saaraim. Ili tejclum tac tsa' ajniyob ti' wentajob jinto che' ti' yorajlel David. ³²⁻³³Jini tejclum tac ya' ba' tsa' chumleyob i p'olbalob jiñobach Etam, Aín, Rimón, Toquén, Asán. An tac ja'el ala colonia tac ti' joytalel ili tejclum tac

c'ʌlʌl ti Baal. Ts'ijbubil i c'aba' tac iliyi ti' juñilel jini winicob ti mojt ti mojt.

³⁴⁻³⁹Lamital jini yumʌlob tsa' majliyob ti' tojel jini Gedor ba' mi' pasel q'uin cha'an mi' sʌclañob potrero tac cha'an i yʌlac'ob come tsa' wen p'ojliyob. Jiñobʌch i c'aba'ob:

Mesobab, Jamlec, Josías, Joel, Jehú, Elioenai, Jaacoba, Jesohaía, Asaías, Adiel, Jesimiel, Benaía, Ziza (i yalobil Sifi, i yalobil Alón, i yalobil Jedaías, i yalobil Simri, i yalobil Semaías).

⁴⁰⁻⁴¹Tsi' tajayob jini wen c'oc tac bʌ jamil baqui ñʌch'ʌl pañimil, pero jini lum tac i cha'añʌch i p'olbalob Cam. Jini cha'an che' ti' yorajlel jini rey Ezequías am bʌ ti Judá, jini yumʌlob tsi' wesa chilbeyob i p'olbalob Cam jini lum tac. Tsi' jisa tac i yotot. Tsi' tsʌnsayob jini ya' bʌ chumulob. Tsa' ochiyob ti' wenta. ⁴²Ti wi'il jo'c'al i cha'bajc' (500) i p'olbalob Simeón tsa' majliyob ti wits i c'aba' Seir (jini yumʌlob jiñobʌch i yalobilob Isi: Pelatías, Nearías, Refaías, Uziel). ⁴³Che' jini tsi' laj jisayob jini tsa' bʌ cʌleyob ti' tojlel Amalec. Tsa' cajiyob ti chumtʌl ya' i c'ʌlʌl wʌle.

I p'olbalob Rubén

5 Jini ascuñaʌl bʌ i yalobil Israel jiñʌch Rubén. Pero tsi' pi'ʌbe juntiquil i yijñam i tat. Jini cha'an tsa' aq'uenti José i yʌscunlel Rubén. Jini cha'an Rubén ma'anic tsa' ochi ti' listajlel i p'olbal Israel che' bajche' ascuñaʌl bʌ i yalobil. ²Anquese tsa' aq'uenti i yʌscunlel José, ñumen p'ʌtʌl tsa' ajni Judá. Wen an i ñucllel ti Israel. Tsa' tsictiyi juntiquil ñuc bʌ Yumʌl ti Judá. ³Jini ch'iton bʌ i yalobil Rubén jini ascuñaʌl bʌ i yalobil Israel jiñobʌch Hanoc, Falú, Hezrón, Carmi. ⁴I p'olbalob Joel jiñobʌch: Semaías i yalobil, yic'ot Gog i buts, yic'ot Sime i yalobil i buts. ⁵I yalobil Sime i jiñʌch Micaía. I yalobil Micaía jiñʌch Reaía. I yalobil Reaía jiñʌch Baal. ⁶I yalobil Baal jiñʌch Beera jini yumʌl bʌ cha'an i tribu Rubén. Tsa' wesa pʌjyi ti Asiria cha'an ti' mandar jini rey i c'aba' Tiglat Pileser. ⁷⁻⁸I pi'ʌlob Beera tsa' cajiyob ti ochel ti' yumob ti jujunmojt i pi'ʌlob. Jiñobʌch tsa' bʌ ochi ti' listajlel i p'olbal Beera: Jeiel, Zacarías, Bela (i yalobil Azaz, i buts Sema, i yalobil i buts Joel). I p'olbalob Rubén tsa' chumleyob ya' ti Aroer c'ʌlʌl ti Nebo wits yic'ot ti Baalmeón. ⁹Joel tsi' p'olo

wacax. Tsi' yac'la tac ti buc'bal i wacax ti' tojel ba' mi' pasel q'uin c'la'la ti' ti' tiquin lum, c'la'la ti colem ja' i caba' Eufrates, come cabal wacax ti Galaad. ¹⁰Che' an ti rey Saúl jini winicob i p'olbalo' ba' Rubén tsa' majliyob i cha'an ti guerra ti' contra jini agareñob. Tsa' cajiyob ti chumt'al ti pisil tac ba' i yotot ya' ti Galaad ti' tojel ba' mi' pasel q'uin.

I p'olbalob Gad

¹¹Jini i p'olbalob Gad tsa' cajiyob ti chumt'al ti' tojel i p'olbal Rubén. Tsa' ajniyob ti' lumal Basán c'la'la ti Salca. ¹²Ñuc tsa' q'uejli Joel ti' lumal Basán. Ñuc ja'el jini Safán, pero mach lajalic yic'ot Joel. Ñuc ja'el jini Jaanai yic'ot Safat. ¹³I pi'lob tsa' ochiyob ti yum'lob ti jujump'ejl otot. Jiñobach Micael, Mesulam, Seba, Jorai, Jacán, Zía, Heber. ¹⁴I p'olbalob Buz che' bajche' an i p'olbal jiñobach Jahdo, Jesisai, Micael, Galaad, Jaroa, Huri, Abihail. ¹⁵Ahí (i yalobil Abdiel, i buts Guni) jiñach i yum i pi'lob. ¹⁶Tsa' chumleyob ti Galaad yic'ot ti Basán yic'ot ti pejtelel jamil tac an tac ba' ti Sarón. ¹⁷Pejtelel ili winicob tsa' ochiyob ti' listajlel i p'olbalob Gad che' ti' yorajlel jini rey Jotam ti Judá yic'ot ti' yorajlel jini rey Jeroboam ti Israel.

Jini ojlil i yuxmojt i p'olbal Israel

¹⁸Añob 44,760 soldadojob ti' tojlelob i p'olbalob jini Rubén, yic'ot Gad yic'ot ojlil tribu* cha'an Manasés. Ti' pejtelelob añob i ye'tijibob cha'an guerra, wen chajpabilob ja'el. ¹⁹Ili winicob tsi' cha'leyob guerra ti' contra jini agareñob, yic'ot ti' contra Jetur, yic'ot ti' contra Nafis, yic'ot ti' contra Nodab. ²⁰C'am tsi' c'ajtibeyob Dios cha'an mi' colt'antelob. Dios tsi' coltayob, come tsi' ñopoyob. Che' jini tsa' jisantiyob jini agareñob yic'ot pejtelel i pi'lob ti guerra. ²¹Tsi' chilbeyob lujump'ejl i yuxc'al mil camello tac, yic'ot lujunc'al mil yic'ot lujump'ejl i yuxc'al mil tiñame', yic'ot cha'p'ejl mil burro, yic'ot jo'c'al mil winicob. ²²Tsa' chamiyob cabal i contrajob ti guerra, come Dios tsi' coltayob. Jini cha'an i p'olbalob Rubén tsa' chumleyob ti' lumal jini agareñob jinto tsa' wersa pajyiyob majlel ti Babilonia.

²³Tsa' p'ojli jini ojlil tribu cha'an Manasés c'la'la ti Basán c'la'la ti Baal Hermón, yic'ot Senir, yic'ot wits i c'aba' Hermón.

²⁴ Jini yumalob cha'an jujunmojt i pi'alob jiñobach Efer, Isi, Eliel, Azriel, Jeremías, Hodavías, Jahdiel. Wen ch'ejlob ti guerra yic'ot ti e'tel jini winicob ti jujuntiquilob. ²⁵ Ma'anic tsi' tsajcabeyob i Dios i ñojte'elob. Jini jach tsi' tsajcabeyob i dioste' tac winicob tsa' ba i jisa tac lac Yum. ²⁶ Jini cha'an i Dios Israel tsi' choco tilel Pul i rey asirijob (jini yamba i c'aba' jiñach Tiglat Pileser) cha'an mi' wersa ochel ti' lumal Israel. Tsi' wersa pɣaɣ majlel i p'olbalob Rubén, yic'ot Gad, yic'ot jini ojilil i p'olbal Manasés c'alal ti Halah, yic'ot ti Habor, yic'ot ti Hara, yic'ot ba'an jini colem ja' i c'aba' Gozán. Ya' añob c'alal wale che' woli ti ts'ijbuntel ili jun.

I p'olbalob Leví

6 Jini ch'iton ba i yalobilob Leví jiñobach Gersón, Coat, Merari. ² Jini ch'iton ba i yalobilob Coat jiñobach Amram, Izhar, Hebrón, Uziel. ³ I yalobilob Amram jiñobach Aarón, Moisés, María. Jini ch'iton ba i yalobilob Aarón jiñobach Nadab, Abiú, Eleazar, Itamar.

⁴⁻¹⁵ Jini ascuñaɣ ba i p'olbalob Aarón ti jujunmojt i p'olbalob jiñobach:

Eleazar i tatach Finees, Finees i tatach Abisúa, Abisúa i tatach Buqui, Buqui i tatach Uzi, Uzi i tatach Zeraías, Zeraías i tatach Meraiot, Meraiot i tatach Amarías, Amarías i tatach Ahitob, Ahitob i tatach Sadoc, Sadoc i tatach Ahimaas, Ahimaas i tatach Azarías, Azarías i tatach Johanán, Johanán i tatach Azarías (jini ñuc ba motomaj ti' Templo Salomón ya' ti Jerusalén), Azarías i tatach Amarías, Amarías i tatach Ahitob, Ahitob i tatach Sadoc, Sadoc i tatach Salum, Salum i tatach Hilcías, Hilcías i tatach Azarías, Azarías i tatach Seraías, Seraías i tatach Josadac. (Tsa' wersa pɣjyi majlel che' ba lac Yum tsi' choco majlel ti cɣjchel jini año' ba ti Judá yic'ot ti Jerusalén. Nabucodonosor tsi' pɣaɣ majlel.)

¹⁶ I yalobilob Leví jiñobach Gersón, Coat, Merari. ¹⁷ Jini ch'iton ba i yalobilob Gersón jiñobach Libni, Simeí. ¹⁸ Jini ch'iton ba i yalobilob Coat jiñobach Amram, Izhar, Hebrón, Uziel. ¹⁹⁻²¹ Jini ch'iton ba i yalobilob Merari jiñobach Mahli, Musí. I p'olbalob Gersón ti jujump'ejl otot jiñobach Libni, Jahat, Zima, Joa, Iddo, Zera, Jeatrai. ²²⁻²⁴ I p'olbalob Coat

jiñobach Aminadab, Coré, Asir, Elcana, Ebiasaf, Asir, Tahat, Uriel, Uzías, Saúl. ²⁵⁻²⁷I p'olbalob Elcana jiñobach Amasai, Ahimot, Elcana, Zofai, Nahat, Eliab, Jeroham, Elcana. ²⁸Jini ch'iton ba i yalobilob Samuel jiñobach Joel jini ascuñał ba, yic'ot Abías. ²⁹⁻³⁰Jini ch'iton ba i yalobilob Merari jiñobach Mahli, Libni, Simeí, Uza, Simea, Haguía, Asaías.

Jini xc'ayob ti Templo

³¹Jini rey David tsi' wa'chocoyob jini mu' ba i techob c'ay tac ti Tabernáculo che' ba tsi' yotsa Arca* ya'i. ³²Che' ba tsi' mele jini Templo Salomón ya' ti Jerusalén, jini xc'ayob tsa' caji i melob i ye'tel ti Templo. ³³⁻³⁸Jini tsa' ba i techeyob c'ay tac yic'ot i ñojte'elob jiñobach: Hemán jini yujil ba c'ay i p'olbalach Coat. I ñojte'elob jiñobach:

Joel, Samuel, Elcana III, Jeroham, Eliel, Toa, Zuf, Elcana II, Mahat, Amasai, Elcana I, Joel, Azarías, Sofonías, Tahat, Asir, Ebiasaf, Coré, Izhar, Coat, Leví, Israel.

³⁹⁻⁴³Jini tsa' ba i colta Hemán jiñach Asaf. I ñojte'elob Asaf jiñobach:

Berequías, Simea, Micael, Baasías, Malquías, Etni, Zera, Adaía, Etán, Zima, Simeí, Jahat, Gersón, Leví.

⁴⁴⁻⁴⁷Jini i cha'ticlel ba tsa' ba i colta Hemán jiñach Etán, i p'olbal ba Merari tsa' ba wa'le ti' ts'ej. I ñojte'elob Merari jiñobach:

Quisi, Abdi, Maluc, Hasabías, Amasías, Hilcías, Amsi, Bani, Semer, Mahli, Musi, Merari, Leví.

⁴⁸I pi'łlob iliyi jiñobach pejtelel yaño' ba levíjob. Tsa' aq'uentiyob yamba e'tel ti Tabernáculo.

I p'olbalob Aarón

⁴⁹Cojach Aarón yic'ot i p'olbalob tsa' ochiyob ti motomajob. An ti' wenta cha'an mi' tsansañoob alac'łal tac cha'an mi' pulbeñoob i majtan tac Dios. Tsi' pulbeyob pom ja'el. An ti' wenta ja'el pejtelel jini e'tel am ba ti Ch'ujul* ba Ajñibal, yic'ot pejtelel jini e'tel cha'an jini q'uín che' mi' ñusabentelob i mul israelob. Tsi' meleyob ti pejtelel che' bajche' tsi' yac'ł mandar Moisés i winic Dios. ⁵⁰⁻⁵³I p'olbalob Aarón jiñobach Eleazar, Finees, Abisúa, Buqui, Uzi, Zeraías, Meraiot, Amarías, Ahitob, Sadoc, Ahimaas.

Jini tejlum tac i cha'an ba levjjob

(Jos. 21.1-42)

⁵⁴Jini tejlum tac yic'ot jini lum tsa' ba aq'uentiyob ti' wenta i p'olbalob Aarón yic'ot Coat jiñlach iliyi: ⁵⁵⁻⁵⁷Hebrón am ba ti Judá yic'ot jini lum am ba ti' joytalel (jini lum tac tsa' aq'uenti Caleb i yalobil Jefone). ⁵⁸⁻⁵⁹Tsa' aq'uentiyob i p'olbalob Aarón ja'el ili tejlum tac yic'ot i lum tac: Libna, Jatir, Estemoa, Hilén, Debir, Asán, Betsemes. ⁶⁰Uxlujump'ejl (13) yamba tejlum tac yic'ot i lum tsa' aq'uentiyob jini motomajob cha'an i p'olbalob Benjamín. Tsa' aq'uentiyob ja'el jini Geba, Alemet, Anatot.

⁶¹Tsi' cha'leyob yajcaya ti alas cha'an mi' yalq'uentelob i lum yaño' ba i p'olbalob Coat. Tsa' aq'uentiyob lujump'ejl tejlum an tac ba ti' lumal lamital i p'olbal Manasés. ⁶²Tsa' aq'uentiyob i p'olbalob Gersón ti jujunmojt uxlujump'ejl tejlum tac ya' ti Basán. Tsi' cha'leyob yajcaya ti alas cha'an mi' ch'ambeñob jini lum ti' lumal Isacar, Aser, Neftalí, Manasés. ⁶³Tsa' aq'uentiyob i p'olbalob Merari lajchamp'ejl tejlum tac. Tsi' cha'leyob yajcaya ti alas cha'an mi' tajob lum loq'uem tac ba ti' lumal Rubén, Gad, Zabulón. ⁶⁴⁻⁶⁵Che' ja'el tsi' cha'leyob yajcaya ti alas cha'an mi' yalq'uentelob i tejlum tac yic'ot i lum tac jini levjjob. Tsi' ch'amayob tac ti' lumal Judá, Simeón, Benjamín. Tsi' cha' otsabeyob i c'aba' tac jini tejlum.

⁶⁶⁻⁶⁹Jini i p'olbalob Efraín tsi' yalq'ueyob i p'olbalob Coat jini tejlum tac yic'ot i lum ba' mi' mejlelob ti puts'el majlel stsansajob, jiñobach: Siquem am ba ti wits i c'aba' Efraín, Gezer, Jocmeam, Bethorón, Ajalón, Gatrimón. ⁷⁰Lamital i p'olbal Manasés tsi' yalq'ueyob i tejlum tac yic'ot i lum i p'olbalob Coat ti jujunmojt. Jiñobach Aner, Bileam.

⁷¹Lamital i p'olbal Manasés tsi' yalq'ueyob i tejlum tac yic'ot i lum i p'olbalob Gersón. Jiñobach Golán am ba ti Basán, Astarot. ⁷²⁻⁷³Tsa' aq'uentiyob i p'olbalob Gersón tejlum tac yic'ot jini lum an tac ba ti' joytalel jujump'ejl tejlum ya' ti' lumal Isacar. Jiñobach Cedes, Daberat, Ramot, Anem. ⁷⁴⁻⁷⁵I p'olbalob Aser tsi' yalq'ueyob tejlum tac yic'ot jini lum an tac ba ti' joytalel jujump'ejl tejlum. Jiñobach Masal, Abdón, Hucoc, Rehob. ⁷⁶I p'olbalob Neftalí tsi' yalq'ueyob tejlum tac yic'ot jini lum an tac ba ti' joytalel jujump'ejl tejlum. Jiñobach iliyi: Cedes am ba ti Galilea, Hamón, Quiriataim.

⁷⁷I p'olbalob Zabulón tsi' yalq'ueyob tejclum tac i p'olbalob Merari cha'an mi' puts'elob ya'i jini stsansajob. Jiñobach Rimón, Tabor. ⁷⁸⁻⁷⁹I p'olbalob Rubén año' ba' ti' junwejlel Jordán ja' am ba' ti' tojel Jericó tsi' yalq'ueyob tejclum tac yic'ot i lum an tac ba' ti' joytalel jujump'ejl tejclum. Jiñobach Beser am ba' ti' potrero tac, Jaza, Cademot, Mefaat. ⁸⁰⁻⁸¹I p'olbalob Gad tsi' yalq'ueyob tejclum tac yic'ot i lum an tac ba' ti' joytalel jujump'ejl tejclum. Jiñobach Ramot am ba' ti' Galaad, Mahanaim, Hesbón, Jazer.

I p'olbalob Isacar

7 Jini ch'iton ba' i yalobilob Isacar jiñobach Tola, Fúa, Jasub, Simrón. ²Jini ch'iton ba' i yalobilob Tola tsa' ba' ochiyob ti yumal ti jujunmojt i p'olbal jiñobach Uzi, Refaías, Jeriel, Jahmai, Jíbsam, Samuel. Che' ti' yorajlel jini rey David tsa' loq'uiyob soldadojob (22,600) ti' tojlelob i p'olbalob Tola. ³Jini ch'iton ba' i yalobilob Uzi jiñach Israhías. Jini ch'iton ba' i yalobilob Israhías jiñobach Micael, Obadías, Joel, Isías. ⁴Che' ti' yorajlel David año' wacclujump'ejl i cha'c'al mil (36,000) soldadojob i p'olbalob' ba' Uzi, come ti jujuntiquil año' cha'tiquil uxtiquil i yijñam yic'ot cabal i yalobilob. ⁵Ti' tojlel i p'olbalob Isacar an wucp'ejl i jo'c'al mil (87,000) ch'ejlo' ba' soldadojob chajpabilo' ba' cha'an guerra. Tsa' laj ochiyob ti lista.

I p'olbalob Benjamín

⁶Jini ch'iton ba' i yalobilob Benjamín jiñobach Bela, Bequer, Jediael. ⁷Jini ch'iton ba' i yalobilob Bela jiñobach Ezbón, Uzi, Uziel, Jerimot, Iri. Ili jo'tiquil soldado wen ch'ejlob. I yumobach i pi'alob ti jujunmojt. Tsa' ochiyob ti' yumob jini cha'p'ejl i cha'c'al mil yic'ot chanlujump'ejl i cha'c'al (22,034) soldadojob. Ti pejtelel tsa' ochiyob ti' listajlel cha'an i p'olbalob Bela. ⁸Jini ch'iton ba' i yalobilob Bequer jiñobach Zemira, Joás, Eliezer, Elioenai, Omri, Jerimot, Abías, Anatot, Alamet. ⁹Che' ti' yorajlel David año' junc'al mil yic'ot lujunc'al (20,200) soldadojob ti' tojlelob i p'olbalob Bequer. ¹⁰Jini ch'iton ba' i yalobilob Jediael jiñach Bilhán. Jini ch'iton ba' i yalobilob Bilhán jiñobach Jesús, Benjamín, Aod, Quenaana, Zetán, Tarsis, Ahisahar. ¹¹Ili winicob i yumobach i p'olbalob Jediael

ti jujunmojt. Añob wuclujump'ejl mil yic'ot lujunc'al (17,200) soldadojob ti' tojlelob che' ti' yorajlel David. ¹²Jini ch'iton ba i yalobilob Hir jiñobach Supim, Hupim. Aher jiñach i tat Husim.

I p'olbalob Neftalí

¹³Neftalí jiñach i yalobil Bilha i yixic Jacob. Jini ch'iton ba i yalobilob Neftalí jiñobach Jahzeel, Guni, Jezer, Salum.

I p'olbalob Manasés

¹⁴Jini ch'iton ba i yalobilob Manasés yic'ot i yijñam mach ba ñujpujñemic yic'ot, jiñobach iliyi: Asriel, Maquir. Maquir jiñach i tat Galaad. ¹⁵Maquir tsi' c'ajtibeyob i yijñam Hupim yic'ot Supim. I chich Maquir jiñach Maaca. Yamba i p'olbal Maquir jiñach Zelofehad. An jach xch'oc ba i yalobilob Zelofehad. ¹⁶I yijñam Maquir am ba i c'aba' ja'el Maaca tsi' yac'la ti pañimil ch'iton ba i yalobil jiñach Peres. I c'aba' i yeran jiñach Seres. Jini ch'iton ba i yalobilob jiñobach Ulam yic'ot Requem. ¹⁷Jini ch'iton ba i yalobil Ulam jiñach Bedán. Laj i yalobilobach Galaad. I butsobach Maquir. I yalobilobach i buts Manasés. ¹⁸I chich Maquir jiñach Hamolequet. Tsi' yac'la ti pañimil Isod, Abiezer, Mahala. ¹⁹Jini ch'iton ba i yalobilob Semida jiñobach Ahián, Siquem, Likhi, Aniam.

I p'olbalob Efraín

²⁰⁻²¹Jini ch'iton ba i yalobilob Efraín jiñobach Sutela, Bered, Tahat, Elada, Tahat, Zabad, Sutela, Ezer, Elad. Elad yic'ot Ezer tsi' ñopo i xujch'iñob wacax, pero jini winicob ya'i tsi' tsansayob. ²²Efraín i tat ili chatiquilob, jal tsi' yuc'tayob. I pi'llob tsa' caji i ñuqu'uesabeñob i pusic'al. ²³Ti wi'il i yijñam tsa' caji i cantan i yalobil. Tsi' yac'la ti pañimil ch'iton ba i yalobil. Efraín tsi' yotsabe i c'aba' Bería am ba i sujmler ch'ijiyem ba, cha'an jini wocol tsa' ba ujti. ²⁴Jini xch'oc ba i yalobil Efraín jiñach Seera. Tsi' mele jini Bethorón am ba ti ental yic'ot am ba ti chan. Tsi' mele Uzenseera ja'el.

²⁵⁻²⁷I p'olbalob Efraín jiñobach iliyi:

Refa i tatalach Resef, Resef i tatalach Telah, Telah i tatalach Tahán, Tahán i tatalach Laadán, Laadán i tatalach Amiud, Amiud i tatalach Elisama, Elisama i tatalach Nun, Nun i tatalach Josué.

²⁸Ili winicob ya' jaxal tsa' chumleyob ti junwejl i cayajonlel Betel yic'ot ti yambal tejclum tac. Ya' jaxal ja'el ba' mi' pasel q'uin ba'an Naarán, yic'ot ba' mi' baljel q'uin ba'an Gezer yic'ot i colonia tac, yic'ot ti yambal junwejl ba'an Siquem yic'ot i colonia tac c'adl ti Gaza yic'ot i colonia tac. ²⁹Jini año' bal ti Manasés i p'olbalobach José i yalobil bal Israel. Tsa' chumleyob ti ili tejclum tac: Betseán, Taanac, Meguido, Dor.

I p'olbalob Aser

³⁰Jini ch'iton bal i yalobilob Aser jiñobach Imna, Isúa, Isúi, Bería, yic'ot xch'oc bal i yalobil jiñach Sera. ³¹Jini ch'iton bal i yalobilob Bería jiñobach Heber, Malquiel. Malquiel i tatlach Birzavit. ³²I yalobilob Heber jiñobach Jaflet, Somer, Hotam, yic'ot xch'oc bal i yalobil i c'aba' Súa. ³³Jini ch'iton bal i yalobilob Jaflet jiñobach Pasac, Bimhal, Asvat. ³⁴Jini ch'iton bal i yalobilob i yeran i c'aba' Semer jiñobach Ahí, Rohga, Jehúba, Aram. ³⁵Jini ch'iton bal i yalobilob i yeran i c'aba' Hotam jiñobach Zofa, Imna, Seles, Amal. ³⁶⁻³⁷Jini ch'iton bal i yalobilob Zofa jiñobach Súa, Harnefer, Súal, Beri, Imra, Beser, Hod, Sama, Silsa, Itrán, Beera. ³⁸Jini ch'iton bal i yalobilob Itrán jiñobach Jefone, Pispá, Ara. ³⁹Jini ch'iton bal i yalobilob Ula jiñobach Ara, Haniel, Rezia.

⁴⁰Pejtelel iliyi i p'olbalobach Aser. I yumobach i pi'alob ti jujunmojt. Wen yujilob guerra. Año' i ye'tel ti jujuntiquil. Año' wacp'ejl i cha'c'al mil (26,000) i p'olbalob yujilo' bal guerra ochemo' bal ti lista.

I p'olbalob Benjamín

8 ¹⁻²Jini ch'iton bal i yalobilob Benjamín jiñobach iliyi: Jini ñaxan bal jiñach Bela. I cha'ticlel bal jiñach Asbel. I yuxticel jiñach Ahara. I ch'anticlel jiñach Noha. I jo'ticlel jiñach Rafa.

³⁻⁵Jini ch'iton bal i yalobilob Bela jiñobach Adar, Gera, Abiud, Abisúa, Naamán, Ahoa, Gera, Sefufán, Hiram.

⁶⁻⁷Jini ch'iton bal i yalobilob Aod jiñobach yumalob cha'an jujunmojt i pi'alob ya' bal chumulob ti Geba. Tsa' chujquiyob che' woliyob ti guerra. Tsa' wersa pajyiyob majlel ti Manahat. Jiñobach Naamán, Ahías, Gera (tsa' otsabenti i c'aba' Heglam); Gera i tatlach Uza yic'ot Ahiud.

⁸⁻¹⁰Saharaim tsi' yalq'ueyob i juñilel cha'an mux i clayob i ba yic'ot i yijñam i c'aba' Husim yic'ot Baara. Jini tsi'ji' ba i yijñam i c'aba' Hodes tsi' yal'la ti pañimil i yalobilob ya' ti Moab. Jiñobach Jobab, Sibia, Mesa, Malcam, Jeúz, Saquías, Mirma. Pejtelel iliyi tsa' ochiyob ti yumalob i pi'alob ti jujunmojt. ¹¹I yijñam i c'aba' Husim tsi' yal'la ti pañimil Abitob yic'ot Elpaal. ¹²Jini ch'iton ba i yalobilob Elpaal jiñobach Heber, Misam, Semed (tsi' mele Ono, Lod yic'ot colonia tac).

¹³Jini yamba i yalobilob jiñobach Bería yic'ot Sema, jini yumalob chumulo' ba ti Ajalón. Tsi' chocoyob loq'uel jini chumulo' ba ti Gat.

¹⁴An yamba i yalobilob Elpaal jiñobach Ahío, Sasac, Jeremot.

¹⁵⁻¹⁶Jini ch'iton ba i yalobilob Bería jiñobach Zebadías, Arad, Ader, Micael, Ispa, Joha. ¹⁷⁻¹⁸An yamba i yalobilob Elpaal jiñobach Zebadías, Mesulam, Hizqui, Heber, Ismerai, Jezlías, Jobab. ¹⁹⁻²¹Jini ch'iton ba i yalobilob Símei jiñobach Jaquim, Zicri, Zabdi, Elienai, Ziletai, Eliel, Adaías, Beraías, Simrat.

²²⁻²⁵Jini ch'iton ba i yalobilob Sasac jiñobach Ispán, Heber, Eliel, Abdón, Zicri, Hanán, Hananías, Elam, Anatotías, Ifdaías, Peniel. ²⁶⁻²⁷Jini ch'iton ba i yalobilob Jeroham jiñobach Samserai, Seharías, Atalías, Jaresías, Elías, Zicri.

²⁸Ili winicob chumulo' ba ti Jerusalén yumalobach ti' tojlelob i pi'alob ti jujunmojt.

²⁹Jehiel i tat ba Gabaón tsa' chumle ya' ti tejclum i c'aba' Gibeon. I yijñam jiñach Maaca. ³⁰⁻³²Jini ascuñaal ba i yalobil Jehiel jiñach Abdón. Jini yamba i yalobilob jiñobach Zur, Cis, Baal, Nadab, Gedor, Ahío, Zequer, Miclot (Miclot i tatalach Simea). Ti pejtelelob tsa' chumleyob lal'al ba'an i pi'alob ti Jerusalén.

³³Ner i tatalach Cis. Cis i tatalach Saúl.

Jini ch'iton ba i yalobilob Saúl jiñobach Jonatán, Malquisúa, Abinadab, Esbaal. ³⁴Jini ch'iton ba i yalobil Jonatán jiñach Mefiboset (Merib Baal). Mefiboset i tatalach Micaía.

³⁵Jini ch'iton ba i yalobilob Micaía jiñobach Pitón, Melec, Tarea, Acaz. ³⁶Acaz i tatalach Joadá. Joadá i tatalach: Alemet, Azmavet, Zimri. Zimri i tatalach Mosa. ³⁷Mosa i tatalach Bina. Bina i tatalach Rafa; Rafa i tatalach Elasa; Elasa i tatalach Azel.

³⁸An wactiquil ch'iton ba i yalobilob Azel, jiñobach Azricam, Bocru, Ismael, Searías, Obadías, Hanán. ³⁹An uxtiquil

ch'iton ba i yalobilob i yeran Azel i c'aba' Esec, jiñobach iliyi: jini ascuñał ba jiñach Ulam, i cha'ticlel ba jiñach Jehús, i yuxticel ba jiñach Elifelet.

⁴⁰Ch'ejlob ti guerra jini ch'iton ba i yalobilob Ulam. Wen yujilob julbal ti jalajb. An lujump'ejl i waxacc'al (150) ch'iton ba i yalobilob yic'ot i butsob ili winicob. Ti pejtelel i p'olbalobach Benjamín.

Jini tsa' ba i cha' sujtiyob ti Babilonia

(Neh. 11.1-24)

9 Ochem tac ti' jun i reyob Israel i c'aba' tac pejtelel i ñojte'elob jini israelob. Tsa' wersa p'ajyiyob majlel ti Babilonia jini año' ba ti Judá, come tsi' ch'ujutesayob dioste' tac. ²Jini tsa' ba ñaxan sujtiyob tilel cha'an mi' cha' cajel ti chumtalob ti' tejclum tac, jiñobach i p'olbalob Israel yic'ot jini motomajob, jini levíjob, yic'ot jini mu' ba i coltañob ti Templo.

³Ti wi'il lamital jini tilemo' ba ti Judá, Benjamín, Efraín yic'ot Manasés tsa' c'otiyob ti Jerusalén. Jiñobach iliyi: ⁴I pi'lob Utai (i yalobil ba Amiud, i yalobil ba Omri, i yalobil ba Imri, i yalobil ba Bani) loq'uemo' ba ti' pi'lob Fares (i yalobil ba Judá).

⁵Tsa' sujtiyob ja'el Asaías, jiñach ascuñał ba i yalobil Silón, yic'ot i yalobilob. ⁶Tsa' sujtiyob i yalobilob Zera, yic'ot Jeuel, yic'ot i pi'lob. An lujunc'al i cha'bajc' yic'ot lujump'ejl i jo'c'al (690) ti pejtelel.

⁷⁻⁸Jini i p'olbalob Benjamín tsa' ba sujtiyob jiñobach iliyi: Salú (i yalobil ba Mesulam, i yalobil Hodavías, i yalobil Asenúa); Ibneías (i yalobil ba Jeroham); Ela (i yalobil ba Uzi, i yalobil Micri); Mesulam (i yalobil ba Sefatías, i yalobil Reuel, i yalobil Ibnías).

⁹Ili winicob i yumobach i pi'lob ti jujunmojt. Tsa' sujtiyob jo'c'al i yuxbajc' yic'ot wacclujump'ejl i yuxc'al (956) ti pejtelelob tilemo' ba ti Benjamín.

¹⁰⁻¹¹Jini motomajob tsa' ba sujtiyob ja'el jiñobach iliyi: Jedaías, Joiarib, Jaquín, Azarías (i yalobil ba Hilcías, i yalobil Mesulam, i yalobil Sadoc, i yalobil Meraiot, i yalobil Ahitob). Azarías jiñach ñuc ba xcantaya cha'an Templo.

¹²Yamba motomaj tsa' ba sujtí jiñach Adaía i yalobil ba Jeroham, i yalobil Pasur, i yalobil Malquías. Yamba motomaj

jiñlach Masai (i yalobil ba Adiel, i yalobil Jazera, i yalobil Mesulam, i yalobil Mesilemit, i yalobil Imer). ¹³Ti pejtelel jini motomajob tsa' ba sujtijob jiñobach jo'c'al i jo'bajc' yic'ot uxc'al (1,760), wen nuco' ba i c'ajñibal winicob. ¹⁴Jini levíjob tsa' ba sujtijob jiñobach Semaías (i yalobil ba Hasub, i yalobil Azricam, i yalobil Hasabías, i p'olbal ba Merari). ¹⁵⁻¹⁶Yamba levíjob tsa' ba sujtijob jiñobach iliyi:

Bacbacar, Heres, Galal, Matanías (i yalobil ba Micaía, i yalobil Zicri, i yalobil Asaf); Obadías (i yalobil ba Semaías, i yalobil Galal, i yalobil Jedutún); Berequías (i yalobil ba Asa, i yalobil Elcana, tsa' ba chumle ti' lumal netofatob).

¹⁷⁻¹⁸Jini tsa' ba i cantayob i ti' tejclum jiñobach iliyi: Salum (jiñlach ñuc ba xcantaya), Acub, Talmón, Ahimán. Levíjobach ti pejtelel. An to ti' wenta cha'an mi' cantañob i ti' i yotot jini rey am ba ti tojel ba' mi' pasel q'uin. ¹⁹Salum jiñlach i yalobil Coré, i yalobil Ebiasaf, i yalobil Coré. An ti' wenta Salum yic'ot i pi'lob jini corejob cha'an mi' q'uelob jini majtañal tac ti Templo, cha'an mi' cantañob jini Ch'ujul ba Ajñibal, che' bajche' i ñojte'elob tsi' cantayob jini Tabernáculo. ²⁰Jini ñaxan ba yumal cha'an jini corejob jiñlach Finees i yalobil ba Eleazar. Lac Yum an yic'ot.

²¹Ti jimba ora jini xcanta ti' Tabernáculo jiñlach Zacarías i yalobil Meselemías. ²²Ti jimba ora an lujunc'al yic'ot lajchantiquil (212) xcanta ti' Tabernáculo. Tsa' yajcantiyob ti' tojlel colonia tac ba' ch'oyolob i ñojte'elob. Tsa' wa'chocontiyob i cha'an David yic'ot Samuel cha'an xuc'ulob. ²³An ti' wenta jini xcantayajob yic'ot i p'olbalob cha'an mi' cantañob jini Tabernáculo. ²⁴Tsa' aq'uentiyob i ye'tel cha'an mi' cantañob jini Templo ti jujunwejl ya' ba' mi' pasel q'uin, yic'ot ba' mi' bajlel q'uin, yic'ot ti norte, yic'ot ti sur. ²⁵I pi'lob jini motomajob año' ba ti colonia tac mi' q'uex tacob i ba ya' ti e'tel ti Tabernáculo. Ti jujunmojt mi' yajñel wucp'ejl q'uin.

²⁶An chantiquil wen ñuc ba xcanta ti' templojob, levíjob ti pejtelel. Año' ti' wenta cha'an mi' cantañob jini tsalal tac ba' mi' wayelob yic'ot ba' lotbil jini e'tijibal tac wen uts'atax ba am ba ti' Tabernáculo Dios. ²⁷Jini ñuctaco' ba i ye'tel tsa' chumleyob ti lac'al Tabernáculo. Tsi' jamayob i ti' jujump'ejl sac'ajel. ²⁸Lamital tsa' aq'uentiyob i ye'tel cha'an

mi' cAntañob jini e'tijibal mu' bA i c'AJñel cha'an majtañal yic'ot cha'an ch'ujutesaya. Tsi' tsiquiyob che' bA tsa' c'AJni jini e'tijibal tac. ²⁹Jini yaño' bA añob ti' wenta cha'an mi' cAntañob i bAl Templo yic'ot pejtelel am bA i c'AJñibal, che' bajche' harina, yic'ot i ya'lel ts'usub, yic'ot pom, yic'ot aceite.

³⁰Yaño' bA motomajob tsi' chajpayob jini pom yic'ot jini xojocña bA perfume. ³¹Tsa' aq'uenti ti' wenta Matatías cha'an mi' mel jini waj cha'an majtañal tac. Matatías jiñach leví, ascuña bA i yalobil Salum jini coré. ³²An ti' wenta lamital i p'olbal Coat cha'an mi' chajpañob jini waj mu' bA i pasbentel lac Yum ti' jujump'ejl semana che' i yorajlel c'aj o.

³³⁻³⁴Jini xc'ayob levíjobach ti' pejtelel. Tsa' chumleyob ti' Templo ya' ti Jerusalén. An i ye'tel ti' q'uiñil ti' ac'lalel. Ma'anic yambA i ye'tel, cojach iliyi. Tsa' yajcantiyob loq'uel ti' yotot tac levíjob.

I ñojte'elob Saúl

³⁵⁻³⁷I yijñam Jehiel jiñach Maaca. Tsa' chumleyob ti Gabaón. Jini ch'iton bA i yalobilob jiñobach iliyi:

Gabaón, Abdón (jini ascuña bA), Zur, Cis, Baal, Ner, Nadab, Gedor, Ahío, Zacarías, Miclot. ³⁸Tsa' chumle Miclot ya' ti Jerusalén yic'ot i yalobil i c'aba' Simeam lAc'lal ba'an i pi'llob. ³⁹Ner i tatalach Cis. Cis i tatalach Saúl. Saúl i tatalach Jonatán, yic'ot Malquisúa, yic'ot Abinadab, yic'ot Esbaal.

⁴⁰Jonatán jiñach i tat Merib Baal. Merib Baal jiñach i tat Micaía. ⁴¹I yalobilob Micaía jiñobach iliyi: Pitón, Melec, Tarea, Acaz. ⁴²Acaz jiñach i tat Jara. Jara jiñach i tat Alemet, Azmavet, Zimri. Zimri jiñach i tat Mosa. ⁴³I yalobilob Mosa jiñobach iliyi: Bina, Refaías, Elasa, Azel. ⁴⁴Jini wActiquil ch'iton bA i yalobilob Azel jiñobach Azricam, Bocru, Ismael, Searías, Obadías, Hanán.

Tsa' chAmi Saúl yic'ot i yalobilob

(1 S. 31.1-13)

10 Jini filisteojob tsi' contrajiyob ti guerra jini israelob. Jini israelob tsa' puts'iyob majlel. Tsa' tsAnsantiyob ya' ti wits i c'aba' Gilboa. ²Jini filisteojob tsi' tajayob Saúl yic'ot i yalobilob Jonatán, Abinadab, yic'ot Malquisúa. Tsi'

laj tsansayob. ³Cabal tsa' contrajinti Saúl ti guerra. Jini filisteojob yujilo' ba jalajb tsi' juluyob Saúl.

⁴Saúl c'am tsi' pejca jini xcantaya i cha'an: Tsansañon yic'ot a wespada ame i tic'lañoñob jini winicob mach ba cambilobic i cha'an Dios, che'en Saúl. Pero cha'an baq'uen ma'anic tsi' jac'a i winic. Jini cha'an Saúl tsi' loc'sa i bajñel espada. Tsi' walac yasa i ba ti' ni' i yespada. ⁵Jini xcantaya i cha'an Saúl, che' ba tsi' q'uele chamenix i yum, tsi' walac tsansa i ba ja'el. ⁶Che' jini tsa' chami Saúl yic'ot uxtiquil jini ch'iton ba i yalobilob ti junyajel. Ti jump'ejl jach q'uin tsa' bac' lu' jili i yumantel Saúl. ⁷Jini israelob año' ba ti jotal ya' ti ental tsi' yubiyob bajche' tsa' puts'iyob jini soldadojob israelo' ba. Tsi' yubiyob chameñobix Saúl yic'ot i yalobilob. Jini cha'an tsi' cayayob i tejclum tac. Tsa' puts'iyob ja'el. Jini filisteojob tsa' c'otiyob ti chumtal ti' tejclum tac israelob.

⁸Che' ti' yijc'alal jini filisteojob tsa' cha' majliyob i chilbeñob i chub'an jini ch'ujlelal tac. Tsi' tajayob i bac'tal Saúl yic'ot i yalobilob. ⁹Tsi' loc'sabeyob i bujc Saúl melbil ba ti tsucu taq'uin. Tsi' tsepbeyob loq'uel i bic'. Tsi' chocoyob majlel winicob cha'an mi' pasob ñumel i jol Saúl ti pejtelel tejclum tac. Tsi' cha'leyob q'uiñijel ti' tojlel i dios tac. ¹⁰Tsi' joc'chocobeyob i bujc Saúl melbil ba ti tsucu taq'uin ti' bojte'lel i templo i dioste' tac. Tsi' joc'chocobeyob i jol ja'el ti' bojte'lel i templo Dagón.

¹¹Che' ba tsi' yubiyob jini año' ba ti Jabes Galaad chuqui tsi' tumbeyob i bac'tal Saúl jini filisteojob, ¹²jini ch'ejl ba soldadojob ya' tsa' majli i cha' q'uechob tilel i bac'tal Saúl yic'ot i bac'tal jini uxtiquil i yalobilob. Tsi' mucuyob ti' yebal jini c'ololte' ya' ti Jabes. Wucp'ejl q'uin tsi' yuc'tayob. Tsi' cha'leyob ch'ajb. ¹³Tsa' chami Saúl cha'an tsi' ñusabe i t'an lac Yum, cha'an tsi' pejca jini x'ixic yujil ba wujt. ¹⁴Ma'anic tsi' c'ajtibe lac Yum chuqui yom i mel. Jini cha'an lac Yum tsi' tsansa. Tsi' yaq'ue i yumantel David i yalobil Isaí.

Tsa' wa'choconti David ti rey ti Israel

(2 S. 5.1-5)

11 Che' jini, jini año' ba i ye'tel ti Israel tsa' majliyob ba'an David ya' ti Hebrón. Tsi' subeyob: A pi'alon lojon. ²Anquese tsa' ajni ti rey Saúl, jatet tsa' paya majlel ti

guerra jini soldadojob c cha'an lojon. Tsa' cha' pɔɔɔyob sujel ti uts'at. Jini lac Yum Dios tsi' subeyet: “Mi caj a wochel ti xcanta tiñame' ti' tojlel c cha'año' bɔ, jini israelo' bɔ. Mi caj a wochel ti' rey”. Che' tsi' yɔɔɔ lac Yum, che'ob jini israelob. ³Jini cha'an David tsi' laja i t'an yic'otob ti' tojlel lac Yum. Tsi' boñoyob ti aceite cha'an mi' wa'chocontel ti' rey Israel che' bajche' lac Yum tsi' sube Samuel.

David tsi' wersa ch'ɔɔɔ ti' wenta Sion

(2 S. 5.6-10)

⁴Che' jini David yic'ot jini año' bɔ i ye'tel tsa' majliyob ti Jerusalén (i c'aba' Jebús ti ñaxan). Ya' tsa' chumleyob jini jebuseojob c'ɔɔɔɔ wajali. ⁵⁻⁶Pero jini jebuseojob ma'anic tsi' yɔɔɔyob permiso cha'an mi' yochelob ti chumtɔɔ jini israelob ti Jerusalén. Jini cha'an David tsi' wersa ch'ɔɔɔ jini wen melbil bɔ tejclum i c'aba' Sion. Ti wi'il tsa' otsɔbenti i c'aba' i Tejclum David. David tsi' subeyob i winicob: Jini mu' bɔ i ñaxan tsɔnsan junti quil jebuseo, mi caj c wa'chocon ti yumɔɔ ti' tojlel soldadojob, che'en. Joab, i yalobil bɔ Sarvia, tsa' ñaxan letsi majlel. Jini cha'an tsa' wa'choconti ti yumɔɔ ti' tojlel i soldadojob David.

⁷Tsa' chumle David ti jini wen melbil bɔ tejclum. Jini cha'an jini jumpejt lum am bɔ ti Jerusalén tsa' otsɔbenti i c'aba' ti' Tejclum David. ⁸Tsi' joy ñuq'uesa jini Jerusalén ti' joytɔlel jini wen melbil bɔ tejclum. Joab tsi' cha' mele Jerusalén ba' tsa' jejmi. ⁹Tsa' caji ti wen q'uejlel ti ñuc David. Tsa' wen ch'ejl'a, come i Yum am bɔ pejtelel i p'ɔɔɔlel tsa' ajni yic'ot.

Jini ch'ejl bɔ i winicob David

(2 S. 23.8-39)

¹⁰Jiñach i c'aba'ob jini winicob ch'ejlo' bɔ tsa' bɔ i pi'leyob ti guerra David (che' ja'el tsi' xic'beyob i pusic'al pejtelel israelob cha'an mi' wa'chocoñob David ti rey che' bajche' tsi' wan aɔɔ lac Yum): ¹¹Jasobeam (i yalobil bɔ jini ch'oyol bɔ ti Hacmoni) jiñach yumɔɔ ti' tojlel jini Uxtiquil Ch'ejl bɔ i winicob David. Junyajl tsi' c'ɔñɔ i lanza i tsɔnsan jo'lujunc'al (300) winicob. ¹²Jini i cha'ticlel am bɔ ti' tojlel jini Uxtiquil Ch'ejl bɔ i winicob jiñach Eleazar i yalobil Dodo jini ahoh. ¹³Eleazar ya'an yic'ot David che' woli ti guerra ti' contra jini filisteojob ya' ti

Pasdamim. Jini soldadojob israelob tsa' wa'leyob ba'an colem pɾc'ɒbɒl ti cebada. Tsa' cajiyoɓ ti puts'el jini israelob. ¹⁴Pero Eleazar tsa' wersa wa'le ti' yojlil jini pɾc'ɒbɒl. Ma'anic tsa' puts'i. Tsa' caji i tsansan cabɒl filisteojob. Lac Yum tsi' colta. Jini cha'an tsa' wen maɟli i cha'an.

¹⁵Ti yamba ora uxtiquil loq'uemo' ba ti jini Lujuntiquil i Cha'c'al (30) winicob tsa' majliyob ba'an David che' ya'an ti puts'el ti jini ch'en am ba ti Adulam. Jini filisteojob woli' jijlelob ya' ti joctɒl cha'an Refaim. ¹⁶David an ti wen melbil ba ajñibal. Lamital jini filisteojob añob ti Belén. ¹⁷David tsi' yɒɒ: Aniquix to bajche' mic taj c cha' jap jini ja' loq'uem ba ti pozo am ba ti' ti' Belén, che'en. ¹⁸⁻¹⁹Awilan, jini Uxtiquil wen Ch'ejlo' ba tsa' wersa ñumiyob ya' ba' añob filisteojob. Tsa' ochiyob majlel ti tejclum cha'an mi' luchob jini ja' am ba ti' tojel i ti' Belén. Tsi' ch'ambeyob tilel David, pero ma'anic tsi' jac'ɒ i jap. Tsi' beq'ue che' bajche' i majtan lac Yum. David tsi' yɒɒ: C Yum, mach mejlic c jap ili ja'. ¿Mu' ba mejlel c japbeñob i ch'ich'el jini winicob tsajniyo' ba ba' babɒq'uen mi' chamelob? che'en. Jiñach bajche' tsi' meleyob jini Uxtiquil Ch'ejl ba winicob.

²⁰Abisai, i yeran Joab, jiñach jini ñuc ba yumɒl ti' tojlelob jini Lujuntiquil i Cha'c'al, tsi' tsansa jo'lujunc'al (300) i contrajob ti junyajlel. Ñuc tsa' q'uejli ti' tojlel jini Lujuntiquil i Cha'c'al. ²¹Jini cha'an tsa' ochi ti' yum jini Lujuntiquil i Cha'c'al, pero ma'anic tsi' tajbe i ñuclel jini Uxtiquilob.

²²Jini Benaía, i yalobil Joiada, jiñach wen ch'ejl ba winic ja'el. Ch'oyol ti Cabseel. Tsi' tsansa jini cha'tiquil wen p'atɒlo' ba ch'oyolo' ba ti Moab. Tsi' tsansa ja'el juncojt bajlum am ba ti ch'en che' ba tsa' yajli i ña'al tsañal. ²³Jini ja'el tsi' tsansa juntiquil soldado ch'oyol ba ti Egipto am ba ojilil i yuxp'ejl metro i chanlel. Pim i lanza che' bajche' jini te' mu' ba i c'lañob cha'an jalbal. Pero Benaía cojach tsi' ch'amaɒ majlel i te' ti' c'ɒb. Tsa' majli i chilben i lanza. Tsi' c'lañɒ i walɒc tsansan jini winic ch'oyol ba ti Egipto. ²⁴⁻²⁵Jini cha'an Benaía ñumen tsa' q'uejli ti ñuc che' bajche' jini Lujuntiquil i Cha'c'al, pero ma'anic tsi' tajbe i ñuclel jini Uxtiquilob. David tsi' yotsa ti yumɒl ti' tojlel jini xcantayajob i cha'an.

²⁶⁻⁴⁷Yamba ch'ejl ba soldadojob i cha'año' ba David jiñobach iliyi:

Asael (i yeran Joab), Elhanan (i yalobil Dodo) ch'oyol bΛ ti Belén, Samot ch'oyol bΛ ti Harod, Heles ch'oyol bΛ ti Pelón, Ira (i yalobil Iques) ch'oyol bΛ ti Tecoa, Abiezer ch'oyol bΛ ti Anatot, Sibecai ch'oyol bΛ ti Husat, Ilai ch'oyol bΛ ti Ahoh, Maharai ch'oyol bΛ ti Netofat, Heled (i yalobil Baana) ch'oyol bΛ ti Netofat, Itai (i yalobil Ribai) jiñach Benjamín ch'oyol bΛ ti Gabaa, Benaía ch'oyol bΛ ti Piratón, Hurai ch'oyol ba'an ja' i c'aba' Gaas, Abiel ch'oyol bΛ ti Arbat, Azmavet ch'oyol bΛ ti Barhum, Eliaba ch'oyol bΛ ti Saalbón, i yalobilob Hasem ch'oyolo' bΛ ti Gizon, Jonatán (i yalobil Sage) ch'oyol bΛ ti Arar, Ahíam (i yalobil Sacar) ch'oyol bΛ ti Arar, Elifal (i yalobil Ur), Hefer ch'oyol bΛ ti Mequerat, Ahías ch'oyol bΛ ti Pelón, Hezro ch'oyol bΛ ti Carmel, Naarai (i yalobil Ezbai), Joel (i yeran Natán), Mibhar (i yalobil Hagrai), Selec ch'oyol bΛ ti Amón, Naharai ch'oyol bΛ ti Beerot, jiñach tsa' bΛ i cuchbe majlel i bujc Joab melbil bΛ ti tsucu taq'uin cha'an guerra, Ira ch'oyol bΛ ti Itra, Gareb ch'oyol bΛ ti Itra, Urías ch'oyol bΛ ti Het, Zabad (i yalobil Ahlai), Adina (i yalobil Siza) i p'olbal bΛ Rubén, jiñach loq'uem bΛ ti junlujump'ejl i cha'c'al (31) i yumob jini i p'olbal Rubén, Hanán (i yalobil Maaca), Josafat ch'oyol bΛ ti Mitna, Uzías ch'oyol bΛ ti Astarot, Sama yic'ot Jehiel (i yalobilob Hotam) ch'oyolo' bΛ ti Aroer, Jediael (i yalobil Simri), Joha (i yeran) ch'oyol bΛ ti Tiza, Eliel ch'oyol bΛ ti Mahavi, Jerebai yic'ot Josavía (i yalobilob Elnaam), Itma ch'oyol bΛ ti Moab, Eliel, Obed, Jaasiel ch'oyol bΛ ti Mesoba.

I soldadojob David

12 ¹⁻²Che' bΛ woli' coltan i bΛ David ya' ti Siclag cha'an woli' contrajin jini Saúl i yalobil Cis, tsa' c'otiyob ba'an David winicob wen ch'ejlo' bΛ ti guerra cha'an mi' coltañob. Ti' pejtelelob wen yujilob jalajb yic'ot julbal ti pΛantun. Yujilob i c'añõ' ts'ej bΛ i c'Ab yic'ot i ñoj. Laj loq'uemob ti' p'olbal Benjamín che' bajche' Saúl. ³⁻⁷I yum jiñach Ahiezer, i yalobil Semaa, ch'oyol bΛ ti Gabaat. Jini yaño' bΛ winicob jiñobach iliyi:

I yeran Ahiezer i c'aba' Joás, Jeziel yic'ot Pelet (i yalobilob Azmavet), Beraca, Jehú ch'oyol bΛ ti Anatot, Ismaías ch'oyol bΛ ti Gabaón (jiñach ch'ejl bΛ soldado ñumen bajche' jini

Lujuntiquil i cha'c'al), Jeremías, Jahaziel, Johanán, Jozabad ch'oyol bΛ ti Gederá, Eluzai, Jerimot, Bealías, Semarías, Sefatías ch'oyol bΛ ti Haruf, Elcana, Isías, Azareel, Joezer yic'ot Jasobeam (jiñobach corejob); Joela yic'ot Zebadías (i yalobilob Jeroham) ch'oyolo' bΛ ti Gedor.

⁸⁻¹³Wen ch'ejlo' bΛ winicob yujilo' bΛ guerra loq'uemo' bΛ ti p'olbal Gad tsa' c'otiyob ja'el ba'an David. Tsi' tajayob ya' ti tiquin lum. Wen yujilob i c'añol mactajibal yic'ot lanza. An i wutob che' bajche' bajlum yilal. Yujilob ajñel che' bajche' me':

Jini yumal jiñach Ezer, i cha'ticel yumal jiñach Obadías, i yuxticlel yumal jiñach Eliab, i chanticlel yumal jiñach Mismana, i jo'ticlel yumal jiñach Jeremías, i wacticlel yumal jiñach Atai, i wucticlel yumal jiñach Eliel, i waxacticlel yumal jiñach Johanán, i bolonticlel yumal jiñach Elzabad, i lujunticlel yumal jiñach Jeremías, i junlujunticlel yumal jiñach Macbanai.

¹⁴Ili winicob i yumobach soldadojob. Lajal i c'ajñibal junti quil mach bΛ ñuquic che' bajche' jo'c'al yaño' bΛ soldadojob. Lajal i c'ajñibal jini ch'ejl bΛ che' bajche' lujunc'al i yuxbajc' (1,000) yaño' bΛ soldadojob. ¹⁵Tsa' c'axiyob majlel ti Jordán ja' che' but'ul. Tsa' majliyob i cha'an ti jini joctal an bΛ ti jujunwejl jini Jordán ja' ba' mi' pasel q'uin, yic'ot ba' mi' bajlel q'uin.

¹⁶Tsa' c'otiyob ba'an David yaño' bΛ winicob loq'uemo' bΛ ti Benjamín yic'ot ti Judá. ¹⁷David tsa' loq'ui i tajob. Tsi' subeyob: Mi tsa' tili la' coltañon, uts'at mi la' c'aytal quic'ot. Pero mi tsa' jach tili la' yojch'oñon, cha'an mi la' subon ba'an j contrajob che' ma'anic c mul, che' jini la' i q'ueletla i Dios lac tatob cha'an mi' meletla. Che' tsi' yala David. ¹⁸Che' jini tsa' c'oti jini Ch'ujul bΛ Espiritu ti' tojlel Amasai, i yum jini Lujuntiquil i Cha'c'al. Amasai tsi' yala: David, i yalobilet Isaí, tsa' tili j coltañet lojon. La' ñach'lec a pusic'al. La' ajnic ti tijicña a pusic'al temel yic'ot a winicob, come an a wic'ot jini Dios, che'en. Che' jini David tsi' ch'amayob ti' wenta. Tsa' caji i yotsañob ti' yumob soldadojob.

¹⁹Lamital jini winicob loq'uemo' bΛ ti Manasés tsi' c'ayayob jini soldadojob israelob cha'an mi' majlel i coltañob David. Tsa' c'otiyob ba'an David che' wolix i loq'uel ti guerra yic'ot jini filisteojob cha'an mi' contrajiñob Saúl. Pero i yumob

filisteojob mach yomobic mi' majlel David yic'otob ti guerra. Tsi' ña'tayob baɓaɓq'uen mi' cɔy jini filisteojob cha'an mi' cha' coltan Saúl. Jini cha'an tsi' subeyob David: Cucu ti sujtel yic'ot a winicob, che'ob. ²⁰Jiñobach winicob loqu'emo' ba ti Manasés tsa' ba majli i coltañob David che' woli' majlel ti Siclag: Adnas, Jozabad, Jediaiel, Micael, Jozabad, Eliú, Ziletai. Ti jujuntiquil ili winicob yumalobach ti' tojlel jujump'ejl mil soldadojob i cha'año' ba Manasés. ²¹Wen ch'ejlob jini winicob. Wen yujilob guerra. Tsi' coltayob David che' ba tsa' majli ti guerra ti Siclag ti' contra jini amalecob. ²²Ti jujump'ejl q'uin tsa' c'otiyob winicob ba'an David cha'an mi' coltañob. Che' jini tsa' wen on'ayob. Jiñobach i soldadojob Dios.

²³Jiñach i listajlel jini winicob tsa' ba c'otiyob ti Hebrón ba'an David. Tsa' tili i wa'chocoñob ti rey ti' q'uexol Saúl, cha'an mi' ts'actɔyel i t'an lac Yum.

²⁴⁻³⁷Loqu'emob ti Judá: wuclujumbaje' (6,800) soldadojob chajpabilo' ba yic'ot maɓtaɓjibaɓ tac, yic'ot lanza tac. Loqu'emob ti Simeón: wucp'ejl mil yic'ot jo'c'al (7,100) wen ch'ejlo' ba soldadojob. Loqu'emob ti Leví: junlujumbaje' yic'ot lujunc'al (4,600). Loqu'emob ti motomajob, i p'olbalo' ba Aarón: bolombaje' yic'ot jo'c'al (3,700) soldadojob año' ba ti' wenta Sadoc, ch'iton winic, wen ch'ejlo' ba. Añoob ti' wenta ja'el Joiada. Jini Joiada yic'ot cha'tiquil i cha'c'al i pi'lob i yumobach jini motomajob yujilo' ba guerra. Loqu'emob ti Benjamín (ya' loqu'em Saúl ja'el): uxp'ejl mil (3,000). (I yonlelob tsi' chan coltayob Saúl.) Loqu'emob ti Efraín: junc'al mil yic'ot cha'baje' (20,800) wen ch'ejl ba soldadojob. Ti jujuntiquil tsa' q'uejli ti ñuc ti' tojlel i pi'lob. Loqu'emob ti ojli i p'olbal Manasés: tsa' c'otiyob waxaclujump'ejl mil (18,000) cha'an mi' wa'chocoñob David ti rey. Loqu'emob ti Isacar: lujunc'al (200) i yumob yic'ot i pi'lob. Ti pejtelel añoob i ña'tɔbal. Yujilob chuqui yom ti' tojlel Israelob. Loqu'emob ti Zabulón: lujump'ejl i yuxc'al mil (50,000) wen chajpabilob cha'an guerra, ch'amalob i cha'an i ye'tijibob, jump'ejlob jach i pusic'al cha'an mi' coltañob David. Loqu'emo' ba ti Neftalí: jump'ejl mil (1,000) yumalob, yic'ot wuclujump'ejl i cha'c'al mil (37,000) soldadojob ch'amalob i cha'an maɓtaɓjibaɓ tac yic'ot lanza tac. Loqu'emo' ba ti Dan: waxacp'ejl i cha'c'al mil yic'ot lujunc'al

i cha'bajc' (28,600) soldadojob chajrabilo' bΛ cha'an guerra ti' pejteleob. Loquemo' bΛ ti Aser: cha'c'al mil (40,000) soldadojob chajrabilo' bΛ cha'an guerra. Loquemo' bΛ ti junwejlel Jordán ja' ba' añob i p'olbal Rubén yic'ot Gad yic'ot jini ojilil i p'olbal Manasés: wacc'al mil (120,000) soldadojob chajrabilo' bΛ yic'ot pejtelel jini e'tijibal tac cha'an guerra.

³⁸Pejtelel ili winicob chajrabilo' bΛ cha'an guerra tsa' c'otiyob ba'an David ya' ti Hebrón cha'an mi' wa'chocoñob ti rey. Pejtelel israelob junsujmob jach i pensar cha'an mi' wa'chocoñob ti rey jini David. ³⁹Uxp'ejl q'uin tsi' cha'leyob we'el uch'el, come i pi'lob tsi' chajrabejob. ⁴⁰Jini winicob ch'oyolo' bΛ ti lac'al yic'ot ti ñajtal c'alal ti Isacar yic'ot ti Zabulón yic'ot ti Neftalí tsi' ch'amayob tac tilel ti burro, yic'ot ti camello, yic'ot ti tat wacax, yic'ot ti mula, cabal harina, yic'ot higo, yic'ot tiquesabil bΛ ts'usub, yic'ot i ya'lel ts'usub, yic'ot aceite, yic'ot wacax, yic'ot tiñame'. Come ti pejtelel jini israelob wen tijicñayob i pusic'al.

David yom i ch'am tilel Arca ti Jerusalén

13 David tsi' ñaxan ubibeyob i t'an jini yumlob año' bΛ ti' wenta jujump'ejl mil soldadojob, yic'ot jini yumlob ti jo'joc'al bΛ soldadojob, temel yic'ot pejtelel i yumob soldadojob. ²David tsi' subeyob jini temprabilo' bΛ israelob: Mi che'ach la' wom, mi che'ach yom lac Yum Dios ja'el, mi caj lac choc ti palyol jini lac pi'lob tsa' bΛ cleyob ti yan tac bΛ tejlum ti Israel. La' tilicob motomajob yic'ot levijob ja'el. ³Yom mi lac cha' ch'am tilel jini Arca i cha'an bΛ lac Dios cha'an mi' yajñel la quic'ot, come che' bΛ tsa' wa'choconti ti rey Saúl c'alal wale ma'anix tsa' laj q'uele', che'en David. ⁴Che' jini pejtelel jini israelob tsi' yalayob che'ach yom, come uts'at tsi' yubibeyob i t'an David.

David tsi' ñopo i ch'am tilel jini Arca

(2 S. 6.1-11)

⁵David tsi' tempa pejtelel jini israelob ti pejtelel i lumal cha'an mi' majlel i ch'amob tilel jini Arca am bΛ ti Quiriat Jearim. ⁶Che' jini David temel yic'ot pejtelel israelob tsa' majliyob ya' ti Baala (jiñach Quiriat Jearim) am bΛ ti Judá

cha'an mi' cha' c'axtesañob jini Arca i cha'an ba Dios am ba i yumΔntel ti' tojlel querubiñob. ⁷Tsi' ch'ΔmΔyob loq'uel ti' yotot Abinadab. Tsi' yotsayob majlel jini Arca ti tsiji' ba carreta. Uza yic'ot Ahío tsi' toj'esayob majlel jini tat wacax woli ba i tujc'añob majlel carreta. ⁸Che' jini David yic'ot pejtelel israelob tsi' ñuq'uesΔbeyob i c'aba' lac Yum ti c'ay yic'ot ti son. Tsi' ñijcayob arpa tac, yic'ot salterio, yic'ot lajte', yic'ot címbalo, yic'ot trompeta tac. ⁹Pero che' ba tsa' c'otiyob ti Quidón ba' mi' jajts'el trigo, jini tat wacax tsa' caji i p'ojquiñob majlel i yoc. Colel i yajlel tac. Jini cha'an Uza ti ora tsi' sΔts'Δ i c'Δb cha'an mi' chuc jini Arca. ¹⁰Che' jini lac Yum tsi' mich'le Uza. Ti ora tsa' chΔmi cha'an ti' caj tsi' sΔts'Δ i c'Δb ba'an jini Arca. Jini cha'an tsa' chΔmi Uza ti' tojlel lac Yum. ¹¹Tsa' mich'a David cha'an tsi' tsΔnsa Uza lac Yum. Jini cha'an tsi' yotsΔbe i c'aba' jini ajñibal Perez Uza ba' tsa' chΔmi Uza. Che'Δch mi' yΔlob c'ΔlΔl ti ili ora.

¹²Che' jini David tsa' caji i bac'ñan Dios. Tsi' yΔlΔ: ¿Bajche'ca mi caj c ch'Δm tilel jini Arca i cha'an ba Dios? che'en.

¹³Ma'anic tsi' ch'ΔmΔ tilel jini Arca ti Jerusalén. Ya' jach tsi' cΔyΔ ti' yotot Obed Edom jini geteo. ¹⁴Jini Arca i cha'an ba Dios tsa' ajni uxp'ejl uw ba'an Obed Edom yic'ot i pi'Δlob. Lac Yum tsi' wen coltayob. Tsi' yΔq'ueyob i wenlel.

Hiram tsi' choco majlel suboñelob ba'an David

(2S. 5.11-12)

14 Hiram i rey jini año' ba ti Tiro tsi' choco majlel suboñelob ba'an David. Tsi' choco majlel ch'ujte' yic'ot albañilob yic'ot carpinterojob cha'an mi' melbeñob i yotot David. ²Che' jini David tsi' ña'ta che' ba tsa' ochi ti rey ti' tojlel jini israelob, wa'chocobilach i cha'an lac Yum cha'an mi' tajob i wenlel jini israelob.

I yalobilob David tsa' ba i yilayob pañimil ti Jerusalén

(2 S. 5.13-16; 1 Cr. 3.5-9)

³Tsi' pΔyΔ yambΔ i yijñam jini David ya' ti Jerusalén. Tsi' yilayob pañimil ch'iton ba yic'ot xch'oc ba i yalobilob David.

⁴⁻⁷JiñΔch i c'aba' tac i yalobilob tsa' ba i yilayob pañimil ti Jerusalén:

Samúa, Sobab, Natán, Salomón, Ibhar, Elisúa, Elpelet, Noga, Nefeg, Jafía, Elisama, Beeliada, Elifelet.

David tsi' jisa jini filisteojob

(2 S. 5.17-25)

⁸Che' bΛ tsi' yubiyob jini filisteojob wa'chocobilix David ti rey ti Israel, tsa' letsiyob tilel cha'an mi' wersa chucob David. Pero David tsi' yubi wolix i tilelob. Jini cha'an tsi' tempa i soldadojob. ⁹Jini filisteojob woli' jisañob ñumel jini joctΛ bΛ lum i c'aba' Refaim. ¹⁰David tsi' c'ajtibe lac Yum ti oración: Mi tsa' majli j contrajin jini filisteojob ti guerra, ¿mu' ba caj a coltañon? che'en. Lac Yum tsi' jac'Λ: Mu' cu caj j coltañet, che'en. ¹¹Jini cha'an David tsa' majli i contrajin jini filisteojob ya' ti Baal Perazim. Tsi' laj jisayob. Che' jini David tsi' yΛΛ: Dios tsa'ix i c'Λñayon cha'an mic laj misun majlel jini filisteojob che' bajche' but'ja' mu' bΛ i poc majlel misujelΛ, che'en. Jini cha'an tsi' yotsΛbe i c'aba' jini lum ti Baal Perazim (mu' bΛ i yΛ ti lac t'an, mi' laj misuntel majlel). ¹²Jini filisteojob tsi' cΛyayob i dioste' tac. David tsi' yac'Λ mandar cha'an mi' pulob ti c'ajc.

¹³Ti wi'il jini filisteojob tsa' cha' ochiyob ti jini joctΛ.

¹⁴David tsi' cha' c'ajtibe Dios bajche' yom mi' mel. Dios tsi' sube: Yom mi la' joy majlel jini filisteojob. Che' jini mi mejlel a contrajiñob ti guerra ya' ba'an jini te' i c'aba' balsamera.

¹⁵Che' ma' wubin jini ju'ucña bΛ ya' ti balsamera te', yom ma' majlel ba' añob ti ora, come mi caj j coltañet cha'an ma' jisan jini filisteojob. Che' tsi' yΛΛ Dios. ¹⁶Che' jini David tsi' mele che' bajche' Dios tsi' sube. Tsi' laj jisa jini filisteojob c'ΛΛΛ ti Gabaón c'ΛΛΛ ti Gezer. ¹⁷Tsa' pam tsictiyi ti' joytΛlel i lumal chuqui tac ñuc woli' mel David. Lac Yum tsi' yotsΛbeyob i bΛq'uen jini tejclumob cha'an mi' p'isob ti' wenta David.

David tsi' c'axtesa tilel jini Arca ti Jerusalén

(2 S. 6.12-23)

15 David tsi' wa'choco i yotot tac ti Jerusalén. Tsi' chajpa jump'ejl tsiji' bΛ Tabernáculo cha'an jini Arca i cha'an bΛ Dios. ²David tsa' caji i yac' jini mandar: Che' mi laj c'axtesan tilel jini Arca, cojach jini levíjob mi mejlel i q'uechob tilel, come wa'chocobilob jini levíjob cha'an mi'

q'uechob jini Arca, cha'an mi' melbeñob i ye'tel ti pejtelel ora, che'en. ³David tsi' laj wets'eyob tilel pejtelel jini israelob ya' ti Jerusalén, cha'an mi' tem c'axtesañob tilel jini Arca ti tsiji' bΛ Tabernáculo. ⁴⁻¹⁰David tsi' ρΑΥΛ tilel i p'olbalob Aarón yic'ot jini levíjob. Jiñobach iliyi:

120 loq'uemo' bΛ ti' p'olbal Coat, Uriel jiñach i yum. 220

loq'uemo' bΛ ti' p'olbal Merari, Asaías jiñach i yum. 130

loq'uemo' bΛ ti' p'olbal Gersón, Joel jiñach i yum. 200

loq'uemo' bΛ ti' p'olbal Elizafán, Semaías jiñach i yum. 80

loq'uemo' bΛ ti' p'olbal Hebrón, Eliel jiñach i yum. 112

loq'uemo' bΛ ti' p'olbal Uziel, Aminadab jiñach i yum.

¹¹Che' jini David tsi' ρΑΥΛ tilel jini motomajob, Sadoc yic'ot Abiatar, yic'ot jini ñuc bΛ motomajob, yic'ot i yumob levíjob: Uriel, Asaías, Joel, Semaías, Eliel, Aminadab. ¹²David tsi' subeyob: Jatetla i yumetla levíjob. SΛq'uesan la' bΛ, temel yic'ot pejtelel la' pi'Λlob, cha'an mi' la' c'axtesan tilel jini Arca ti' yajñib tsa' bΛ c' hajpa. ¹³Lac Yum tsi' jats'Λyonla ti yambΛ ora, come ma'anic tsa' la' q'ueche tilel, che'en David. ¹⁴Che' jini tsa' caji i sΛq'uesañob i bΛ jini motomajob yic'ot jini levíjob cha'an mi' ch'Λmbeñob tilel jini Arca i cha'an bΛ lac Yum i Dios israelob. ¹⁵Jini levíjob tsa' caji i q'uechob tilel jini Arca ti' quejlab yic'ot cha'ts'íjt te', che' bajche' tsi' wΛn subu Moisés cha'an ti' mandar lac Yum.

¹⁶David tsi' subeyob jini año' bΛ i ye'tel ti' tojlel levíjob, cha'an mi' wa'chochoñob jini yujilo' bΛ c'ay yic'ot yujilo' bΛ i ñijcΛntel música, yic'ot salterio, yic'ot arpa, yic'ot címbalo, cha'an mi' ñijcañob cha'an i tijicñΛyelob i pusic'al. ¹⁷I yumob jini yujilo' bΛ música jiñobach Hemán (i yalobil Joel), Asaf (i yalobil Berequías), Etán (i yalobil Cusaías). Loq'uemob ti' p'olbal Merari. ¹⁸I yaj coltayajob i yumob música jiñobach iliyi:

Zacarías, Jaaziel, Semiramot, Jehiel, Uni, Eliab, Benaía, Maasías, Matatías, Elifelehu, Micnías, Obed EDOM, Jeiel, jini xcΛntati' templojob.

¹⁹Tsa' wa'chocontiyob Hemán, yic'ot Asaf, yic'ot Etán cha'an mi' ñijcañob címbalo tac melbil bΛ ti' bronce. ²⁰Tsa' wa'chocontiyob Zacarías, Aziel, Semiramot, Jehiel, Uni, Eliab, Maasías, Benaía cha'an mi' cha'leñob c'ay che' woli' ñijcΛntel arpa. ²¹Jini xñijca arpajob jiñobach: Matatías, Elifelehu,

Micnías, Obed Edom, Jeiel, Azazías. ²²Jini tsa' bA i cAntesa c'ay jiñach Quenanías, i yum levíjob. Wen yujil música. ²³Jini xcAntayajob cha'an Arca jiñobach Berequías yic'ot Elcana.

²⁴Tsa' yajcAntiyob motomajob mu' bA i ñijcañob trompeta cha'an ñaxan mi' majlelob ti marcha. Jiñobach iliyi: Sebanías, Josafat, Natanael, Amasai, Zacarías, Benaía, Eliezer. Obed Edom yic'ot Jehías tsi' cAntayob jini Arca.

²⁵Che' jini David yic'ot jini año' bA i ye'tel ti Israel yic'ot jini ñuc bA yumalob cha'an soldadojob tsa' majliyob ti' tijicñayel i pusic'al ya' ti' yotot Obed Edom cha'an mi' ch'Amob majlel jini Arca ti Jerusalén. ²⁶Dios ma'anic tsi' jisa jini levíjob tsa' bA i q'uecheyob majlel jini Arca. Jini cha'an tsi' yAq'ueyob Dios wuccojt tat wacax yic'ot wuccojt tiñame' cha'an tsAnsabil bA i majtan.

²⁷David lApbil i cha'an lino bA bujcal, yic'ot jini levíjob woli bA i q'uechob majlel Arca, yic'ot jini xc'ayob, yic'ot Quenanías mu' bA i tech c'ay. LApbil i cha'an David ja'el jump'ejl efod melbil bA ti lino bA pisil. ²⁸Che'ach tsi' ch'Amayob tilel jini Arca ti Jerusalén jini año' bA i ye'tel ti Israel. Tsi' cha'leyob c'am bA t'an ti' tijicñayel i pusic'al. Tsi' wusuyob trompeta tac. Tsi' jats'ayob címbalo tac, yic'ot arpa tac, yic'ot salterio. ²⁹Che' woli' c'otel jini Arca ti Jerusalén, jini Mical i yixic'al Saúl, tsi' ñajta q'uele ti ventana che' bA woli ti ñuqui tijp'ejl David. Che' jini Mical tsa' caji i ts'a'len ti' pusic'al.

16 Tsi' ch'Amayob tilel jini Arca i cha'an bA lac Yum.

Tsi' yotsayob ti Tabernáculo chajpabil bA i cha'an David. Ya'i tsi' pulbeyob tsAnsabil bA i majtan tac Dios. Tsi' yAq'ueyob ja'el majtañal tac cha'an i tijicñayel i pusic'al.

²Che' ujtemix i yAc' pejtelel jini majtañal tac, David tsi' yAq'ueyob i yutslel i t'an pejtelel jini winicob ti' c'aba' lac Yum. ³Tsa' caji i pucbeñob jujump'ejl caxlan waj pejtelel winicob x'ixicob. Che' ja'el tsi' yAq'ueyob we'elal yic'ot tiquin bA ts'usub.

⁴David tsi' wa'choco yajcabil bA levíjob cha'an mi' yAq'ueñob wocolix i yAla lac Yum i Dios Israel ya' ti' tojel jini Arca i cha'an bA lac Yum, cha'an mi' c'ajtibeñob Dios i yutslel i t'an ti' tojlel winicob x'ixicob. ⁵Jini Asaf jiñach i yum jini yujilo' bA música. Jini mu' bA i coltañob jiñach iliyi: Zacarías, Jeiel, Semiramot, Jehiel, Matatías, Eliab, Benaía,

Obed Edom, Jeiel. Tsi' ñijcayob salterio yic'ot arpa. Jini Asaf tsi' ñijca címbalo. ⁶Che' ja'el jini motomaj Benaía yic'ot Jahaziel tsi' wusuyob trompeta ti' tojel jini Arca i cha'an bΛ lac Yum.

Salmo i cha'an David cha'an mi' suben wocolix i yΛΛ Dios

(Sal. 105.1-15; 96.1-13; 106.47-48)

⁷Ti jim bΛ ora David tsa' caji i yΛc' ti c'ayintel coro tac ti Tabernáculo cha'an mi' c'ayibeñob wocolix i yΛΛ lac Yum. Asaf tsi' pΛsbeyob c'ay jini motomajob cha'an mi' tem cha'leñob c'ay.

⁸Subenla wocolix i yΛΛ lac Yum, pejcanla ti' c'aba'.

Pucbenla i melbal lac Yum ya' ti' tojlel winicob x'ixicob ti pejtelel colem tejclum.

⁹Cha'lenla c'ay ti' tojlel lac Yum. C'ayibenla i ñuclel.

Subula pejtelel jini ñuc bΛ i melbal.

¹⁰Ñuq'uesan la' pusic'al cha'an ch'ujul i c'aba' lac Yum.

Yom tijicña mi' yubiñob jini mu' bΛ i sajcañob lac Yum.

¹¹Sajcan lac Yum am bΛ i p'ΛtΛlel. Ñochtanla ti pejtelel ora.

¹²Ña'tΛbenla i yejtal tac i p'ΛtΛlel, jini bΛbΛq'uen tac bΛ

Tsa' bΛ i mele yic'ot jini t'an tsa' bΛ i yΛc'Λ ti' contra egiptojob.

¹³Jatetla i p'olbaletla Abraham i winic lac Yum. I yalobiletla Jacob, i yajcΛbaletla Dios.

¹⁴Jiñach lac Yum Dios, i Yumach winicob x'ixicob ti pejtelel pañimil.

¹⁵Ti pejtelel ora ña'tΛbilix i cha'an i t'an tsa' bΛ i yotsa ti trato,

Jini t'an tsa' bΛ i subeyob winicob x'ixicob yic'ot i yalobilob ti lajm ti lajm cha'an mi' chΛn ña'tañob ti pejtelel ora.

¹⁶Jiñach tsa' bΛ i yΛq'ue Abraham, jini xuc'ul bΛ t'an tsa' bΛ i yΛq'ue Isaac,

¹⁷Jini jach bΛ t'an tsa' bΛ i yΛq'ue Jacob ti mandar.

Mach jilic ti pejtelel ora jini xuc'ul bΛ i t'an lac Yum aq'uebil bΛ Israel.

¹⁸Tsi' yΛΛ lac Yum: “Mi caj cΛq'ueñet i lumal Canaán cha'an a cha'añach”, che'en.

- 19 Che' maxto cabalic lac pi'Δlob, che' ñumel jach tsa' ñumiyob ya'i, come mach i cha'añobc jini lum,
- 20 Tsi' cha'leyob xΔmbal ñumel ti jujump'ejl colem tejclum. Tsa' loq'uiyob ti jump'ejl colem tejclum, tsa' cha' ochiyob ti yamba.
- 21 Lac Yum Dios ma'anic tsi' yΔc'ayob ti tic'Δntel, Tsi' tiq'ui reyob tsa' bΔ i ñaxan tic'layob.
- 22 Tsi' yΔΔΔ: “Mach mi la' mΔctan jini yajcΔbilo' bΔ c cha'an, Mach mi la' tic'lan jini x'alt'añob c cha'an”, che'en.
- 23 C'ayinla lac Yum pejtelel añet bΔ la ti pañimil. Subula ti jujump'ejl q'uin bajche' mi' coltañonla.
- 24 Subula i ñuclel lac Yum ti' tojlel winicob x'ixicob ti pejtelel pañimil. Subula jini uts'at bΔ i melbal ti' tojlel pejtelel winicob x'ixicob.
- 25 Come ñucΔch lac Yum, yom mi' wen sujbel i ñuclel. Yom mi lac wen bac'ñan Dios ñumen bajche' mi' bac'ñantelob dioste' tac.
- 26 Come dioste' jach pejtelel i dios tac winicob x'ixicob mach bΔ anic mi' cΔñob Dios. Pero lac Yum tsi' mele panchan.
- 27 CabΔΔach i c'uxbintel yic'ot i ñuclel ti' tojel i wut. I t'ojol jax jini ch'ujul bΔ i yajñib ba' mi' pΔs i p'ΔtΔlel.
- 28 Ch'ujutesanla lac Yum pejtel winicob x'ixicob ti jujunmojtetla. Subenla i ñuclel yic'ot i p'ΔtΔlel.
- 29 Subenla i ñuclel i c'aba' lac Yum che' bajche' yom mi' subentel. Ch'Δmbenla tilel i majtan, ochenla ti' pam i yotot. Ch'ujutesanla lac Yum ti sΔq'uesΔbil bΔ la' pusic'al.
- 30 Yom tsiltsilñayetla ti' tojlel lac Yum pejeteletla añet bΔ la ti pañimil. Wa'chocobilix jini pañimil, mach mejlic ti ñijcΔntel.
- 31 La' i yubin tijicña jini panchan, la' i yubin tijicña jini pañimil. Subula ti' tojlel jini sajtemo' bΔ: “Mi' cha'len yumΔ lac Yum”.
- 32 La' i cha'len c'am bΔ t'an jini colem ñajb yic'ot i bΔl. Yom tijicña jini cholel yic'ot pΔc'ΔbΔl.

³³ Pejtelel jini te'el ti jujuntejc mi' cajel ti c'ay yilal ti' tojlel
lac Yum, come tal i melob jini año' ba ti pañimil.

³⁴ Subenla wocolix i yaʎa lac Yum, come uts'atach.
Come mach jilic i yutslel ti pejtelel ora.

³⁵ C Yum Dios lojon, coltañon lojon.

Tempañon lojon loq'uel ba' chuculon lojon ti yan tac ba
lum,

Cha'an mic subeñet lojon wocolix a waʎa come ch'ujul a
c'aba',

Cha'an mi' ñuc'an lojon c pusic'al che' mic sub lojon a
ñuclel.

³⁶ C Yum, la' ch'ujutesantiquet c'ʎʎʎ ti pejtelel ora.

I Diosetach israelob mach ba anic a cajibal mi a jilibal.

Che' tsi' cha'leyob c'ay. Tsi' yaʎayob, Amén, pejtelel winicob
x'ixicob. Tsi' subuyob i ñuclel lac Yum.

Tsa' cʎʎ jini Arca ti' wenta jini levijob cha'an mi' chʎʎ q'uelob

³⁷David tsi' wa'choco cʎyʎʎ Asaf temel yic'ot i pi'ʎlob cha'an
mi' chʎn q'uelob ti jujump'ejl q'uin chuqui tac yom melol ya'
ti Tabernáculo. ³⁸Tsa' wa'choconti ja'el Obed Edom (i yalobil
Jedutún) yic'ot Hosa, yic'ot waxactiquil i chʎnc'al (68) i
pi'ʎlob cha'an mi' cha'leñob cʎñʎn.

³⁹Tsi' chʎn ch'ujutesayob lac Yum ya' ti ñoxi'
Tabernáculo am ba ti Gabaón. David tsi' cʎya ya'i jini
motomaj Sadoc, yic'ot i pi'ʎlob ti motomajiyel cha'an mi'
melbeñob i ye'tel lac Yum. ⁴⁰Jiñobach mu' ba i tsansañoob
alʎ'ʎʎ cha'an mi' pulbeñob i majtan lac Yum ti pulantib
ti jujump'ejl sac'ajel yic'ot ti ic'ajel che' bajche' lac Yum
tsi' wan subeyob israelob ti mandar. ⁴¹David tsi' wa'choco
Hemán, yic'ot Jedutún, yic'ot cha'tiquil uxtiquil yaño'
ba cha'an mi' yaq'ueñoob wocolix i yaʎa lac Yum cha'an
i c'uxbiya yic'ot i yutslel i t'an am ba ti pejtelel ora.

⁴²Tsi' ñijcayob trompeta tac yic'ot címbalo tac che' ba
tsi' cha'leyob c'ay. Tsa' wa'chocontiyob ti xcantayajob i
yalobilob Jedutún.

⁴³Che' jini pejtelel jini israelob tsa' cajiyob ti sujtet ti' yotot.
David tsa' cha' sujti majlel ti' yotot cha'an mi' yaq'ueñoob i
yutslel i t'an i pi'ʎlob.

Albil ba i t'an Dios ti' tojlel David

(2 S. 7.1-29)

17 Che' ya'ix chumul David ti' yotot, tsa' caji i suben jini x'alt'an Natán: Joñon chumulon ti otot melbil ba ti ch'ujte', pero jini Arca i yejtal ba i trato lac Yum an jach ti pisil ba otot, che'en. ²Che' jini Natán tsi' sube: Uts'at ma' mel pejtelel chuqui woli a ña'tan, come an a wic'ot lac Yum, che'en.

³Ti jini jach ba ac'alel lac Yum tsi' sube Natán: ⁴Yom ma' suben c winic David: “Jatet ma'anic mi caj a wa'chocobeñon cotot cha'an mic cha'len chumtál. ⁵Come che' ba tsac loc'sa jini israelob ti Egipto c'álal wale ma'anic ba' ora tsa' chumleyon ti otot. Cojach tsa' ajniyon ti pisil ba otot. ⁶Baqui jach tsa' ñumiyon quic'ot jini israelob, ma'anic ba' ora tsac sube mi juntiquilic i yum jini israelob cha'an mi' melbeñon c Templo ti ch'ujte'. Joñon tsac wa'chocoyob cha'an mi' cantañob c tejclum Israel”, che'en.

⁷Yom ma' suben c winic David: “Lac Yum am ba ti panchan woli' yal: Joñon tsac paydyet che' xcanta tiñame'et cha'an ma' wochel ti yumal ti' tojlel c tejclum Israel. ⁸Ti pejtelel ora tsa' chan ajniyon a wic'ot baqui jach tsa' ñumiyet. Pejtelel a contrajob tsac jisayob ti a tojlel. Mi caj cac' ti q'uejlel ti ñuc a c'aba' che' bajche' i c'aba' jini ñuco' ba ti pañimil. ⁹Che' ja'el mi caj caq'ueñob i lum jini israelob ba' mi' chumtálob ti pejtelel ora. Ma'anix mi caj i chan loq'uelob. Ma'anix mi caj i chan jisantelob cha'an jontol ba tejclum tac che' bajche' ti yamba ora, ¹⁰c'álal che' ba tsi' cha'leyob i ye'tel jini juezob. Mi caj c jisabeñob i p'atálel pejtelel a contrajob. Mic subeñet ja'el mi caj c wa'chocobeñet a p'olbal cha'an mi' yochelob ti rey. ¹¹Che' ma' chamel, mi caj c wa'chocon juntiquil a walobil cha'an mi' ch'am a yumantel. ¹²Jini mi caj i wa'chocobeñon cotot. Mi caj c wa'chocoben i yumantel c'álal ti pejtelel ora. ¹³Mi caj i tatiñon. Mi caj i yochel ti calobil. Ma'anic ba' ora mi caj c wis caye' che' bajche' tsaj caya Saúl. ¹⁴Ti pejtelel ora mi caj c buchchocon ti cotot. Ma'anic i yujtibal i ye'tel mu' ba caj caq'uen. Ti pejtelel ora mi caj i yajñel i yumantel”. Che' tsi' yala lac Yum, che'en Natán.

¹⁵Natán tsi' cha' sube David pejtelel chuqui tsa' subenti ti lac Yum. ¹⁶Che' jini tsa' ochi majlel ti mal i yotot lac Yum jini rey David. Tsa' caji i pejcan Dios ti oración: C Yum Dios, ¿chuqui to que'tel, yic'ot chuqui to i c'ajñibal c pi'lob cha'an tsa' wəq'ueyon pejtelel iliyi? che'en. ¹⁷Wen ñuc jini tsa'ix ba a mele tic tojlel. Pero jini tsa' ba a subeyon ñumen ñuc che' bajche' tsa'ix ba a mele. Che' ja'el c Yum Dios, tsa' wəwə mi caj i yochelob ti rey c p'olbalob. ¹⁸C Yum, ¿chuqui to mi mejlel cəw? A wujil ma'anic j c'ajñibal. Pero tsa'ix a wəq'ueyon c ñuclel. ¹⁹Tsa'ix a wəq'ueyon pejtelel ili c ñuclel, cha'an ti' caj tsa' wen c'uxbiyon, cha'an che'əch a wom. ²⁰C Yum, ma'anic yambə lajal ba bajche' jatet. Ma'anic yambə Dios ti pañimil. Ma'anic ba' tsa cubi lojon yambə. ²¹¿Am ba yambə tejclum ti pañimil che' bajche' a tejclum Israel? Tsa'ix a pəwəyob loq'uel ti Egipto cha'an ma' wəc' ti tsictiyel a p'əwəwəwə ti' tojlelob. Tsa'ix a jisayob jini año' ba ti Canaán che' ba tsa' chajpəbeyob i tejclum a cha'año' ba. ²²Jatet tsa' wa'choco a tejclum Israel cha'an mi' yochel ti a tejclum ti pejtelel ora. Jatet c Yum tsa'ix ochiyet ti' Dios.

²³Jini cha'an wəwə c Yum, yom ma' ts'əctesan jini t'an tsa' ba a subeyon yic'ot c p'olbal cha'an mic cha'len lojon yuməntel. La' ujtic che' bajche' tsa' wəwə. ²⁴La' chəwə ñuq'uesəntic a c'aba' ti pejtelel ora, cha'an mi' chəwə subob: “I Yum panchan jñəwəch i Dios israelob”, che'ob. Jini cha'an la' chəwə ajnic ti uts'at ti a wut jini calobilob yic'ot c p'olbalob. ²⁵Wəwə ti' xuc'əwəwə c pusic'al mic pejcañet ti oración, come jatet c Yum tsa' subeyon mi caj a wəc' ti q'uejlel ti ñuc jini c p'olbal. ²⁶Jini cha'an c Yum, jatet Diosəwəwə tsa' ba a subeyon ili t'an. ²⁷La' aq'uenticob i yutslel a t'an c p'olbalob ti pejtelel ora. Come che' ma' wəc' i yutslel a t'an mi' yajñel c'əwəwəwə ti pejtetel ora. Che' tsi' cha'le oración David.

Tsa' məwəli i cha'an guerra tac jini David

(2 S. 8.1-14)

18 Che' ujtemix pejtelel iliyi, David tsi' jisa jini filisteojob. Tsa' ochiyob ti' wenta yic'ot jini tejclum Gat yic'ot i soldadojob. ²Che' ja'el tsa' ochiyob ti' wenta David jini año' ba ti Moab. Pejtelel jini moabob tsa' caji i cha'leñob tojoñel ti' tojlel David. ³Che' ba woli to i majlel ya' ti tojel Eufrates jini

rey Hadadezer cha'an mi' ch'Am jini tejclum ya' ti' t'ejl jini ja' i c'aba' Eufrates, David tsi' chilbe i lum Hadadezer. ⁴David tsi' ch'Ambe jump'ejl mil carreta, yic'ot wucp'ejl mil soldadojob c'achalo' bA ti caballo, yic'ot junc'al mil soldadojob mach bA c'achalobic. David tsi' yAc'Λ ti tsepol i chijil i ya' jini caballo tac woli bA i tujc'an majlel carreta. Cojach tsi' cAyA lujunc'al caballo cha'an mi' c'An.

⁵Che' bA tsa' tiliyob jini siriajob ti Damasco cha'an mi' coltañob Hadadezer ti guerra, David tsi' tsAnsa cha'tiquil i cha'c'al mil (22,000) soldadojob. ⁶Tsi' wa'choco xAntayajob ti Damasco am bA ti Siria. Che' jini, tsa' ochiyob jini siriajob ti' wenta David. Tsa' caji i yAq'ueñob i tojoñel. Come lac Yum tsi' wen colta David baqui jach tsa' ñumi. ⁷David tsi' chilbeyob i ma'tijibob melbil bA ti oro woli bA i c'Anob i winicob Hadadezer. Tsi' c'AlA ch'AmA c'otel ti Jerusalén. ⁸David tsi' ch'AmA tilel ja'el cabal bronce loq'uem bA ti Tibhat yic'ot ya' ti Cun, i tejclum tac jini Hadadezer. (Ti wi'il bA ora Salomón tsi' c'AnA ili bronce cha'an mi' mel i yajñib ja' yic'ot i yoyel Templo, yic'ot e'tijibA tac.)

⁹Tsa' caji' yubin Toi i rey jini año' bA ti Hamat che' ch'Ambilob ti' wenta David jini soldadojob i cha'an Hadadezer. ¹⁰Tsi' choco majlel i yalobil i c'aba' Adoram ba'an jini rey David cha'an mi' majlel i yAq'uen cortesía yic'ot i yutslel i t'an. Tsi' chocbe majlel cabal i majtan tac melbil bA ti oro yic'ot ti plata yic'ot bronce. ¹¹Jini rey David tsi' yAq'ue ti' wenta lac Yum pejtelel iliyi yic'ot jini oro tac yic'ot jini plata tac tsa' bA i taja ti Edom, yic'ot ti Moab yic'ot Amón, yic'ot i lumal filistejob yic'ot i lumal Amalec.

¹²Mach jinic jach, pero jini Abisai (i yalobil Sarvia) tsi' jisa waxaclujump'ejl mil (18,000) edomob ya' ti joctal i c'aba' Ats'am. ¹³Tsi' wa'choco xAntayajob ti pejtelel Edom. Jini idumeojob tsa' caji i yAq'ueñob i tojoñel David, come lac Yum tsi' wen colta David baqui jach tsa' ñumi.

X'e'telob i cha'an David

(2S. 8.15-18; 20.23-26)

¹⁴David tsi' cha'le i yumAntel ti pejtelel Israel. Toj tsa' caji i cha'len meloñel ti' tojlel winicob. ¹⁵Jini Joab (i yalobil Sarvia) tsa' ochi ti' yum soldadojob. Josafat (i yalobil Ahilud) tsa' ochi

ti sts'ijbujel. ¹⁶Sadoc (i yalobil jini Ahitob), yic'ot Abimelec (i yalobil Abiatar) tsa' ochiyob ti motomaj. Savsa tsa' ochi ti x'e'tel i cha'an rey. ¹⁷Benaía (i yalobil Joiada) i yumach jini cereteojob yic'ot jini peleteojob tsa' ba ochiyob ti xcantayajob i cha'an rey. I yalobilob rey David tsa' aq'uentiyob ñuc ba i ye'tel cha'an mi' coltañob i tat.

Tsa' jisantiyob jini amoñob yic'ot siriajob

(2 S. 10.1-19)

19 Che' ba tsa' chami Nahas i rey jini amoñob, tsa' caji i tajben i ye'tel i yalobil i c'aba' Hanún. ²⁻³David tsi' yala: Mi caj c pasben i yutslel c pusic'al Hanún, come wen c'uxatax tsa cubi lojon c ba yic'ot i tat, che'en. Che' jini David tsi' choco majlel x'e'telob i cha'an, cha'an mi' ñuq'uesabeñob i pusic'al i yalobil Nahas. Pero che' ba tsa' c'otiyob i winicob David (ti' lumal Amón ba'an jini Hanán), jini ñuco' ba i ye'tel i cha'an Hanún tsa' caji i subeñob: Mach a lon ñopben i t'an David. ¿C'ux ba mi' yubin a tat? Ma'anic tsi' choco tilel i winicob cha'an mi' ñuq'uesabeñet a pusic'al. Tsa' jach tiliyob che' bajche' xyojch'ob cha'an mi' tsajiñob jini pañimil wa' ba' chumulonla, che'ob. ⁴Jini cha'an Hanún tsa' caji i tsepbeñob i tsucti' i winicob David. Tsi' t'ox tsepbeyob i pislel c'ala jaxal ti' ya'. Che' jini tsi' cha' chocoyob sujtel. ⁵Che' ba tsi' yubi David chuqui tsa' ujtí, tsi' chobeyob majlel xtajoñelob tsa' ba c'oti i tajob. Tsi' subeyob caytal ya' ti Jericó jinto mi' cha' colelob i tsucti', come quisintic tsi' yubiyob. ⁶Che' ba tsi' ña'tayob jini amoñob yic'ot jini rey Hanún, wen mich' David cha'an chuqui tsi' tumbeyob i winicob, tsi' chocoyob majlel taq'uin ti Mesopotamia, yic'ot ti Siria, yic'ot ti Maaca, yic'ot ti Soba, bajc'al plata am ba i tojol ti 25 millón peso cha'an mi' c'ajtiñob i coltantel ti guerra. Tsi' c'ajtiyob tilel soldadojob, yic'ot carreta tac, yic'ot c'achalo' ba ti caballo. ⁷Che' jini tsa' c'otiyob lajchampejl i cha'c'al mil (32,000) carreta yic'ot pejtelel i soldadojob jini rey Maaca. Tsa' majliyob ti jijlel ya' ti joctal i c'aba' Medeba. Ya' tsa' much'leyob ja'el i soldadojob Hanún loquemo' ba ti tejclum tac.

⁸Che' ba tsi' yubi David, tsi' choco majlel Joab yic'ot pejtelel jini ch'ejlo' ba soldadojob i cha'an. ⁹Tsa' c'oti i tajob che' woli' tilelob i soldadojob amoñob ti' contra. Tsa' caji i techob jini

guerra ya' ti' ti' tejclum i c'aba' Medeba. Jini reyob tsa' bΛ tili i coltañob Hanún ya' tsa' much'leyob ti jamil lΛc'Al ti Medeba. ¹⁰Joab tsi' q'uele i contrajob ti' tojel i wut yic'ot ti' pat. Tsa' caji i t'ox i soldadojob. Tsi' choco majlel junmojt cha'an mi' cha'leñob guerra ti' contra jini siriajob. ¹¹Joab tsi' yaq'ue ti' wenta Abisai i yeran lamital jini israelob. Tsi' subeyob cha'an mi' cha'leñob guerra yic'ot jini amoñob. ¹²Tsi' yaΛΛ: Mi ñumen p'ΛtΛlob jini siriajob tic tojlel, la' coltañon, pero mi ñumen tsa' caji i mΛlob jini amoñob ti a tojlel, mi caj j coltañet. ¹³Yom ch'ejlet. La' lac cha'len wersa cha'an mi laj coltan lac tejclum, jiñach i tejclum lac Yum. La' i mel lac Yum che' bajche' yom. Che' tsi' yaΛΛ Joab. ¹⁴Che' jini Joab tsi' bej xΛñΛ majlel ba'an jini siriajob cha'an mi' jisañob ti guerra. Pero pejtelel jini siriajob tsi' chucuyob majlel i puts'el. ¹⁵Jini amoñob che' bΛ tsi' q'ueleyob tsa'ix puts'iyob jini siriajob, tsa' majliyob ti puts'el ja'el ti jini jach bΛ tejclum. Che' jini tsa' cha' sujtuyob ti Jerusalén Joab yic'ot i yeran yic'ot pejtelel i soldadojob.

¹⁶Jini siriajob che' bΛ tsi' q'ueleyob tsa'ix yajliyob ti' c'Ab jini israelob, tsi' chocoyob ti pΛyol yañob' bΛ soldadojob año' bΛ ti junwejl colem ja' i c'aba' Eufrates ba' mi' pasel q'uin. Jini Sofac jiñach i yum i soldadojob Hadadezer. ¹⁷⁻¹⁸Che' bΛ tsi' yubi David, tsi' choco ti wejts'el pejtelel israelob. Tsa' c'axiyob ti junwejl Jordán ja' jini israelob. Tsa' caji i cha'leñob guerra yic'ot jini siriajob. David tsi' cha' puts'tesayob majlel jini siriajob. Jini israelob tsi' tsΛnsayob wucp'ejl mil soldadojob c'ΛchΛlo' bΛ ti carreta, yic'ot cha'c'al mil winicob woli bΛ i xΛñob ti' yoc. Che' ja'el tsi' tsΛnsa Sofac i yum jini soldadojob. ¹⁹Jini siriajob i winicob Hadadezer tsi' q'ueleyob wolix i jisantelob. Tsi' pejcayob David cha'an yomix mi' cΛyob jini guerra. Tsa' ochiyob ti' winic David. Jini cha'an jini siriajob ma'anix tsi' chΛn coltayob jini amoñob ti guerra.

David tsi' ch'ΛmΛ ti' wenta Rabá

(2 S. 12.26-31)

20 Che' ti' tejchibal jabil, che' i tilel mi' cha' loq'uelob ti guerra jini reyob, Joab tsa' loq'ui yic'ot pejtelel i soldadojob. Tsa' c'oti i jisañob i tejclum tac amoñob. Tsi' joy mΛctayob Rabá. Pero David ya' jach tsa' cΛle ti Jerusalén. Joab tsi' chili pejtelel Rabá. ²Che' jini David tsi' jam chilbe

loq'uel i corona jini rey am ba ti Rabá. Melbil ti oro yic'ot letsem tac ba xajlel. An i yalel jini corona chʌnlujump'ejl i cha'c'al (34) kilo. Tsa' ajq'ui jini corona ti' jol David. Mach jinic jach pero tsi' loc'o cabal chuba'añal ya' ti tejclum. ³Tsa' caji i yac'ob ti majtan e'tel pejtel jini winicob amoñob mach ba anic tsi' tsʌnsayob cha'an mi' p'elob te', yic'ot cha'an mi' cha'leñob c'ajbal, yic'ot cha'an mi' cha'leñob aq'uin. Che'ach tsi' mele David ti' tojlel amoñob. Che' jini David tsa' sujt i ti Jerusalén yic'ot pejtelel i soldadojob.

I winicob David tsi' tsʌnsayob jini colem ba winicob

(2 S. 21.18-22)

⁴Ti wi'il tsa' tejchi guerra ti' tojlel israelob ya' ti Gezer ti' contra jini filisteojob. Jini Sibecai ch'oyol ba ti Husat tsi' tsʌnsa Sipai, juntiquil i yalobil colem ba winic. Che' jini, jini filisteojob tsa' ochiyob ti' wenta David. ⁵Pero tsa' cha' tejchi guerra ti' tojlel jini filisteojob. Jini Elhanán (i yalobil Jair) tsi' tsʌnsa Lahmi i yeran Goliat jini colem ba winic. An i lanza ñuc ba i te'el che' bajche' mi' c'lañob ti jalbal. ⁶⁻⁷Tsa' cha' tejchi guerra ya' ti Gat, ba'an juntiquil colem ba winic am ba wacts'ijt i yal i c'ab yic'ot wacts'ijt i yal i yoc. (I yalobilach colem ba winicob ja'el.) Jini winic tsa' caji i bac'tesan israelob. Jini tsa' tsʌnsanti cha'an Jonatán (i yalobil jini Simea) i yeran David. ⁸Pejtelel jini colem ba winicob i yalobilobach jini chumulo' ba ti Gat. Tsa' laj tsʌnsantiyob cha'an David yic'ot i soldadojob.

David tsi' yotsayob ti censo pejtelel winicob x'ixicob

(2S. 24.1-25)

21 Ti jim ba ora jini xiba (Satanás) tsa' caji i contrajin Israel. Tsa' caji i xic'ben David cha'an mi' tsicob pejtelel israelob. ²Che' jini David tsa' caji i suben Joab yic'ot jini ñuc taco' ba i ye'tel: Cucula c'ʌlʌl ti Beerseba yic'ot c'ʌlʌl ya' ti Dan cha'an mi' la' chuc ti censo jini israelob. Che' ujtemix ti pejtelel, yom mi' la' tilel la' subeñon, che'en David.

³Joab tsi' yʌʌ: La' i p'ojlesan lac Yum baje'ʌl winicob. A cha'añach ti' pejtelel. ¿Chucoch woli a ña'tan a mel jini? Jiñach mulil ti' tojlel israelob, che'en Joab.

⁴Pero jini rey David tsi' wersa choco majlel Joab. Jini cha'an ti wersa tsa' caji i pam xλn ñumel i lumal Israel. Tsa' cha' sujti ti Jerusalén cha'an mi' suben David jaytiquil winicob tsi' yotsa ti censo. ⁵Tsa' tajleyob ti Israel jump'ejl millón yic'ot jo'c'al mil (1,100,000) winicob mu' bλ i mejlel ti majlel ti guerra. Ti Judá añob jumbajc' yic'ot lujump'ejl i chλnc'al mil (470,000) mu' bλ i majlelob ti guerra. ⁶Jini levíjob ma'anic tsa' ch'λjmiyob ti tsic yic'ot jini benjamiñob, come ch'ijiyem i pusic'al Joab cha'an i t'an jini rey. ⁷Che' ja'el lac Yum mach uts'atic tsi' q'uele i tsicol winicob. Jini cha'an lac Yum tsi' yλq'ueyob wocol jini israelob.

⁸Pero David tsi' sube lac Yum: Joñon tsac taja c mul ti a tojlel che' bλ tsac tsiqui winicob. A wocolic ñusλbeñon c mul, come tsac mele chuqui jontol, che'en. ⁹Lac Yum tsi' sube Gad, jini am bλ i ña'tabal ti' tojlel David: ¹⁰⁻¹¹Yom ma' suben David: "Lac Yum tsi' yλλ an uxchajp wocol woli bλ i pasbeñet cha'an ma' yajcan junchajp. ¹²Ña'tan baqui bλ yom, mi uxp'ejl jab wi'ñal, o mi uxp'ejl uw mi la' tic'lantel ti' tojlel la' contrajob, o mi uxp'ejl q'uin jontol bλ c'amλjel che' mi caj i ñumel ti lum i yángel lac Yum". Che' tsi' yλλ lac Yum. Jini cha'an yom ma' ña'tan chuqui yom mic suben jini tsa' bλ i chocoyon tilel, che'en Gad.

¹³Che' jini David tsi' sube Gad: Wen wocol jax mic yajcan. Wen ch'ijiyem jax c pusic'al. Jini cha'an, la' i yλq'ueñonla wocol lac Yum che' bajche' yom. La' i p'untañonla, come mach p'isbilib i c'uxbiya ti pejtelel pañimil, pero mach uts'atic mi lac yajlel ti' c'λb winicob, che'en. ¹⁴Che' jini lac Yum tsi' choco tilel jontol bλ c'amλjel ti' tojlel israelob. Ti jim bλ q'uin tsa' chλmiyob lujump'ejl i chλnc'al mil (70,000) winicob x'ixicob. ¹⁵Lac Yum tsi' choco majlel i yángel cha'an mi' jisan Jerusalén, pero lac Yum tsi' cha' p'unta jini winicob. Tsi' cha' tiq'ui jini ángel: Cλyλx, mach a chλn jisañob, che'en. Ti jim bλ ora i yángel lac Yum ya'ix an ti' t'ejl i patio Ornán jini jebuseo ya' ba' mi' jats' i trigo.

¹⁶Che' bλ tsi' ts'ita' letsa i wut David ti panchan, tsi' q'uele ya' wa'al i yángel lac Yum ya' ti yojlil pañimil, bots'bil i cha'an i yespada ti' c'λb cha'an mi' jisan jini año' bλ ti Jerusalén. David yic'ot jini xñox taco' bλ ya' ti tejclum tsi' ñocchocoyob i bλ. Tsi' lλpyob coxtal. ¹⁷Che' jini David tsa' caji' pejcan Dios: Tilem

tic bajñel pusic'al tsac mele i tsicol winicob. C mulach. Jiñach ñuc ba c sajtemal. Pero ma'anic i mul ili winicob x'ixicob año' ba tic wenta. C Yum Dios, la' c toj joñon quic'ot c pi'lob, pero p'untan a tejclumob ame laj jilicob ti ili wocol, che'en David.

¹⁸Jini cha'an i yángel lac Yum tsi' sube Gad cha'an mi' majle i tsictesaben David, yomach mi' chajraben lac Yum jump'ejl pulantib ya' ti' patio Ornán jini jebuseo. ¹⁹⁻²⁰Jini cha'an David tsa' majli i q'uel Ornán ba' woli' jats' trigo. Che' ba tsi' sutq'ui i ba Ornán, tsi' q'uele jini ángel. Ti ora tsa' puts'iyob jini ch'antiquil i yalobilob ya' ba tem añob yic'ot ti jats' trigo. ²¹Tsi' c'ya i ye'tel Ornán che' ba tsi' q'uele ya' woli' tilel jini rey. Tsa' majli i ñocchocon i ba ba'an David. ²²Che' jini David tsi' sube: Chombeñon ili a patio cha'an mic wa'chocoben i pulantib i majtan lac Yum cha'an mi' tijq'uelob ti ch'amel jini winicob ti ili tejclum. Yom ma' subeñon bajche' i tojol, che'en David. ²³Ornán tsi' sube: Che jach ma' ch'am. Yom ma' mel che' bajche' tsa' ña'ta. Muq'ui x'ac' ja'el jini wacax cha'an mi' pulbentel lac Yum ti' majtan, yic'ot si', yic'ot trigo cha'an majtañal. Joñon mi' c'ac' ti pejtelel, che'en Ornán. ²⁴David tsi' jac'be: Mach comic tic majtan. Muc'ach c tojbeñet che' bajche' c'amel a wom, come mi' caj c'ac'uen lac Yum ti' majtan. Ma'anic mi' caj c pulben tsansabil ba i majtan lac Yum che' ma'anic tsac wis tojo, che'en. ²⁵Che' jini David tsi' yac'ue Ornán lujump'ejl i yuxc'al mil (50,000) peso oro i tojol jini lum yic'ot jini wacax. ²⁶Che' jini David tsa' caji i wa'chocoben i pulantib i majtan lac Yum. Tsa' caji i pulben tsansabil ba i majtan lac Yum yic'ot yamba majtañal cha'an i tijicñayel i pusic'al. Tsa' caji i pejcan lac Yum ti oración. Lac Yum tsi' choco tilel c'ajc ti panchan cha'an mi' pul jini majtañal. ²⁷Che' jini lac Yum tsi' tiq'ui jini Angel woli' ba ti jisaya. Ti ora jach tsi' cha' ota' i yespada ti' yotot.

Ya' ba' tsi' meleyob Templo

²⁸Che' ba tsi' q'uele David bajche' lac Yum tsi' jac'be i yoración, David tsi' cha' ac'ue tsansabil ba i majtan. ²⁹Ya' an ti bujtal i c'aba' Gabaón jini pisil ba i yotot lac Yum yic'ot jini pulantib tsa' ba i mele Moisés ya' ti tiquiñal pañimil. ³⁰Pero David ma'anix tsa' mejli ti majle i pejcan Dios ya'i, come tsa' wen ochi i baq'uen cha'an jini Angel tsa' ba i jisa cabal winicob.

22 Che' jini David tsi' yALA: Uts'at mi' yajñel i Templo Dios ilayi, ba' mi' pulob majtañal jini israelob, che'en.

I chajpantel Templo

²Jini cha'an David tsi' yALΛ mandar cha'an mi' wejts'elob tilel pejtelel jini ñajt ba ch'oyolob mach ba israelobic, ya' ba chumulob ti Israel. Tsi' yALΛ mandar cha'an mi' chajpañob xajlel tac cha'an mi' mejlel i Templo* Dios. ³Che' ja'el David tsi' chajpa cabal lawux cha'an i puertajlel tac jini otot, yic'ot cha'an mi' tAC'ob jini te' tac. Tsi' chajpa cabal bronce mach ba anix i p'isol i yalel. ⁴Jini año' ba ti Tiro yic'ot ti Sidón tsi' ch'ambeyob tilel cabal ch'ujte'. ⁵David tsi' yALA: Ch'iton to jini calobil Salomón. Maxto anic i ña'tabal. Jini i yotot Dios mu' ba caj ti mejlel, yom wen i t'ojol yic'ot wen ñuc cha'an mi' q'uejlel ti ñuc ti pejtelel pañimil. Jini cha'an joñon mi caj j q'uel chuqui tac yom, che'en. Jini cha'an David tsi' wan chajpa ti pejtelel che' cuxul to.

⁶David tsi' pAYA tilel Salomón. Tsi' sube cha'an mi' wa'chocoben i yotot lac Yum i Dios israelob. ⁷David tsi' sube Salomón: Calobil, tsac lon ña'ta c wa'chocoben i yotot lac Yum Dios. ⁸Tsa' tili i t'an lac Yum ba' añoñ cha'an mach joñonic mi caj c mel. Tsi' yALA: “Cabal tsa' cha'le tsansa baqui jach tsa' majliyet ti guerra. Jini cha'an mach mejlic a wa'chocobeñon cotot, come tsaj q'uele wen cabal tsa' cha'le tsansa. ⁹Awilan mi caj i yilan pañimil juntiquil a walobil. Ñach'Al mi caj i yajñel, come joñon mi caj c ñach'chocobeñob i contrajob ti' tojlel. Jini cha'an mi caj i yotsabentel i c'aba' ti Salomón (an i ñach'talel i pusic'al). Che' ti' yorajlel i yumantel mi caj cac'ob ti ajñel ti ñach'Al pejtelel jini israelob. Mi caj caq'ueñob i c'aj i yo. ¹⁰Salomón mi caj i wa'chocobeñon cotot. Mi' caj ti ochel ti calobil. Mi caj i tatiñon. Mi caj caq'uen i ye'tel i yalobilob yic'ot i p'olbalob ti' tojlel israelob c'Alal ti pejtelel ora”, che'en. ¹¹Jini cha'an wale calobil, la' i wen coltañet lac Yum cha'an ma' ch'ejl'esan a ba cha'an ma' wa'chocoben i Templo lac Yum che' bajche' tsi' subeyon. ¹²La' i wen aq'ueñet lac Yum i tojel yic'ot i ña'tabal, yic'ot a yumantel cha'an ma' jac'ben pejtelel i t'an yic'ot i mandar. ¹³Che' jini mi caj a wen coltantel, mi tsa' jac'be pejtelel i t'an yic'ot i subal lac Yum tsa' ba i wan subeyob israelob ti' tojlel Moisés. Ch'ejl'esan a ba, yom

p'Atlatlet. Mach yomic ma' cha'len baq'uen. Mach yomic mi' c'uñ'an a pusic'al.

¹⁴Joñon tsa'ix c cha'le wersa cha'an mic tempan jo'c'al mil talento oro cha'an ma' melben i yotot lac Yum, yic'ot jump'ejl millón talento jini plata, yic'ot bronce, yic'ot tsucu taq'uin mach ba anic i p'isol i yalel, come c'ax cabal. Mach jinic jach pero tsac tempa ja'el jini xajlel yic'ot te' tac. Jini cha'an mux caj a wa'chocon jatet. ¹⁵Come cabalix a winicob mu' ba mejlel i tsepob te', yic'ot albañilob, yic'ot carpinterojob, yic'ot yamba winicob chajpabilo' ba cha'an jujunchajp e'tel. ¹⁶Wen yujilob e'tel ti oro, yic'ot ti plata, yic'ot ti bronce yic'ot ti tsucu taq'uin. Jini cha'an tejchen ti ora cha'an ma' tech jini e'tel. Lac Yum la' i wen coltañet, che'en.

¹⁷David tsi' sube jini ñuc taco' ba i ye'tel ti' tojlel israelob cha'an mi' coltañob Salomón. ¹⁸An la' wic'ot lac Yum Dios tsa' ba i ya'c'ayetla ti ajñel ti ñach'al ti' tojlel la' contrajob, che'en. Come jini tsi' yaq'ueyon tic wenta pejtelel jini winicob chumulo' ba ti yan tac ba tejclum. Pejtelel jini tejclum tac tsa'ix ochi ti' wenta lac Yum yic'ot ti' wenta i winicob. ¹⁹Jini cha'an wale ti jump'ejl jach la' pusic'al yom mi la' saclan lac Yum Dios. Ch'ojyenla cha'an mi la' wa'chocoben jini ch'ujul ba i yotot lac Yum Dios, cha'an ya'i mi la' ch'amben majlel jini Arca ba' lotol i trato lac Yum, yic'ot pejtelel jini ch'ujul ba uch'ibal tac i cha'an ba Dios. Ti pejtelel mi caj i ch'ajmel ochel ti' Templo lac Yum Dios, che'en David.

Tsa' aq'uentiyob i ye'tel jini levíjob

23 Che' cabalix i jabilel jini David, tsi' wa'choco ti rey ti Israel i yalobil i c'aba' Salomón. ²Tsi' tempa pejtelel jini ñuc taco' ba i ye'tel ti Israel, yic'ot jini motomajob yic'ot jini levíjob. ³Tsa' cajiyob ti tsijquel jini levíjob añobix ba lujump'ejl i cha'c'al jab yic'ot ñumeñobix ba ti lujump'ejl i cha'c'al jab. Ti pejtelel añob waxaclujuntiquil i cha'c'al mil (38,000). ⁴⁻⁵Ti' tojlelob mi caj i loq'uelob ch'antiquil i cha'c'al mil (24,000) cha'an mi' q'uelob jini e'tel tac ti' melol jini Templo. Wacp'ejl mil mi caj i yochelob ti yumal yic'ot ti juezob. Che' ja'el mi caj i yochelob champ'ejl mil ti xcantayajob, yic'ot champ'ejl mil mu' ba i ñuq'uesañob lac Yum ti música. ⁶David tsi' t'oxoyob

ti uxmojt che' bajche' i yalobilob Leví. Jiñobach Gersón yic'ot Coat yic'ot Merari.

⁷Yamba cha'mojt tsa' otsabentiyob i c'aba' Laadán yic'ot Simeí (i p'olbalob Gersón). ⁸⁻⁹Tsa' cha' t'oxleyob ti yamba wacmojt, uxmojt ti' wenta i yalobilob Laadán. Jiñobach Jehiel, Zetam yic'ot Joel. Yamba uxmojt ti' wenta i yalobilob Simeí: jiñobach Selomit, Haziél, Harán. Jiñobach i yumob otot tac. ¹⁰⁻¹¹Tsa' cha' t'oxleyob levíjob ti' wenta i yalobilob Simeí. Jiñobach Jahat, Zina, Jesús yic'ot Bería. Pero ma'añobic cabal i yalobilob Jesús yic'ot Bería. Jini cha'an tsa' tsijquiyob che' bajche' junmojt.

¹²Tsa' t'oxle i p'olbal Coat ti chanmojt ti' wenta i yalobilob. Jiñobach Amram, Izhar, Hebrón, Uziel. ¹³Amram jiñach i tat Aarón yic'ot Moisés. Jini Aarón temel yic'ot i yalobilob tsa' wa'chocontiyob ti ch'ujul ba i ye'tel cha'an mi' yac'ueñob i majtan tac lac Yum, cha'an mi' melob i ye'tel, yic'ot cha'an mi' subeñob wocolix i yala lac Yum c'alal ti pejtelel ora.

¹⁴⁻¹⁵Tsa' tem ch'ajmíyob ti tsic i yalobilob Moisés, i winic lac Yum yic'ot jini levíjob. Jini i yalobilob Moisés jiñobach Gersón yic'ot Eliezer. ¹⁶I yalobilob jini Gersón jiñach Sebuel am ba i ye'tel. ¹⁷I yalobilob Eliezer, jiñach Rehabías jini yumal. Ma'anic yamba i yalobilob Eliezer, pero wen cabalob i yalobilob Rehabías. ¹⁸I yalobilob Izhar jiñach Selomit jini yumal. ¹⁹I yalobilob Hebrón jiñach Jerías jini yumal, i cha'ticlel jiñach Amarías, i yuxticlel jiñach Jahaziel, i ch'anticlel jiñach Jecamán. ²⁰I yalobilob Uziel jiñach Micaía jini yumal, i cha'ticlel jiñach Isías.

²¹I yalobilob Merari jiñobach Mahli yic'ot Musi. I yalobilob Mahli jiñobach Eleazar yic'ot Cis. ²²Eleazar tsa' chami che' ma'anic ch'iton ba i yalobilob, cojach xch'ocob. Cis tsi' siji i yalobilob yic'otob i yumijelob. ²³I yalobilob Musi jiñobach Mahli, yic'ot Edar yic'ot Jeremot.

²⁴Pejtelel iliyi jiñobach i p'olbalob Leví. Tsa' ochiyob ti censo che' bajche' jaytiquilob i p'olbal i ñojte'elob jini año' ba ti jujunc'al i jabilel yic'ot ñumenobix ba i jabilel. Jiñobach jini tsa' ba cajiyoj ti e'tel ya' ti Templo. ²⁵Come David tsi' yala: Lac Yum i Dios israelob tsa'ix i yac'ayonla ti ajñel ti ñach'al. Mi caj i chumtal ti Jerusalén c'alal ti pejtelel ora. ²⁶Che' jini mach wersajix mi' chan ch'amob majlel jini pisil ba otot jini

levíjob, yic'ot jini uch'ijibal tac am ba ti' wenta. Che' tsi' yala David.

²⁷Che' ba tsi' tsiquiyob i p'olbalob Leví, jiñach junchajp jini cojix ba i melbal David che' cuxul to. ²⁸An ti' wenta levíjob i p'olbalob' ba Aarón cha'an mi' coltañob jini motomajob ya' ti Templo che' mi' tsansabeñob i majtan tac Dios. An ti' wenta ja'el cha'an mi' cantañob Templo, cha'an mi' saq'uesañoob chuqui yom saq'uesantel. ²⁹Tsi' chajpayob waj ja'el mu' ba i pasbentel Dios, yic'ot i ñich harina cha'an majtañal, yic'ot jini waj mach ba paj'esabilic, yic'ot ch'ilbil tac ba, yic'ot jini woch'esabil tac ba. Che' ja'el tsi' chajpayob jini p'isoñib tac. ³⁰Ti jujump'ejl sac'ajel yic'ot ti ic'ajel tsa' ochiyob ti' tojlel lac Yum cha'an mi' c'ayibeñob wocolix i yala. ³¹Tsi' coltayob motomajob ja'el ti jujunyajl che' ba tsi' pulbeyob lac Yum jini tsansabil ba alac'al tac. Tsi' coltayob che' ti yorajlel c'aj o yic'ot che' ti tsijib uw, yic'ot ti ñuc tac ba q'uinijel. Ti pejtelel ora ts'acal tsa' c'otiyob jini levíjob che' bajche' yom cha'an ili e'tel ti' tojlel lac Yum. ³²Tsi' cantayob jini Tabernáculo yic'ot jini Templo. Tsi' chan coltayob jini motomajob ti pejtelel i ye'tel ti' yotot lac Yum.

24 Jini motomajob (jini i p'olbalob Aarón) tsa' t'oxleyob ti cha'mojt. Tsa' aq'uentiyob i c'aba' i yalobilob, Eleazar yic'ot Itamar. ²Jini Nadab yic'ot Abiú i yalobilob Aarón ja'el pero tsa' chamiyob ti' tojlel i tat. Ma'añoobic i yalobilob. Cojach Eleazar yic'ot Itamar tsa' caji i cha'leñoob i motomajiyel. ³David tsi' laja i t'an yic'ot Sadoc i p'olbalob Eleazar, yic'ot Ahimelec i p'olbalob Itamar. Che' jini tsi' t'oxo i p'olbalob Aarón cha'an mi' q'uexob i ba ti' ye'tel Dios. ⁴Ti' tojlel i p'olbalob Eleazar ñumen cabal jini ñuctaco' ba i ye'tel che' bajche' i p'olbalob jini Itamar. Jini cha'an tsi' t'oxo ti wac'lujunmojt i p'olbalob Eleazar. Tsi' t'oxo ti waxacmojt i p'olbalob Itamar.

⁵Tsi' cha'leyob yajcaya ti alas cha'an mi' tajibob i ye'tel ti jujunmojt, come añoob ñuc taco' ba i ye'tel cha'an Dios ti' tojlel i p'olbalob Eleazar, yic'ot ti' tojlel i p'olbalob Itamar. ⁶Jini Semaías i yalobilob ba leví i c'aba' Natanael, tsa' aq'uenti i ye'tel ti sts'ijbaya. Tsa' caji i chucbeñoob ti jun i c'aba' jini winicob ti' tojlel jini rey yic'ot ti' tojlel jini ñuc taco' ba i ye'tel: jini motomaj Sadoc, Ahimelec i yalobilob Abiatar, i yumob jini

motomajob yic'ot jini levíjob. Cha'mojt loq'uemo' bλ ti Eleazar yic'ot junmojt ti Itamar tsa' wa'chocontiyob ti' ye'tel.

⁷⁻¹⁸Tsi' cha'leyob yajcaya ti alas cha'an mi' yaq'uentelob i ye'tel ti jujunmojt.

I yum jini junmojt jiñach Joiarib, i yum jini i cha'mojtlet jiñach Jedaías, i yum jini i yuxmojtlet jiñach Harim, i yum jini i chanmojtlet jiñach Seorim, i yum jini i jo'mojtlet jiñach Malquías, i yum jini i wacmojtlet jiñach Mijamín, i yum jini i wucmojtlet jiñach Cos, i yum jini waxacmojtlet jiñach Abías, i yum jini i bolonmojtlet jiñach Jesúa, i yum jini i lujunmojtlet jiñach Secanías, i yum jini i junlujunmojtlet jiñach Eliasib, i yum jini i lajchanmojtlet jiñach Jaquim, i yum jini i yuxlujunmojtlet jiñach Hupa, i yum jini i chanlujunmojtlet jiñach Jesebeab, i yum jini i jo'lujunmojtlet jiñach Bilga, i yum jini i wac'lujunmojtlet jiñach Imer, i yum jini i wuc'lujunmojtlet jiñach Hezir, i yum jini i waxac'lujunmojtlet jiñach Afses, i yum jini i bolonlujunmojtlet jiñach Petaías, i yum jini i junc'alel ti mojt jiñach Hezequiel, i yum jini i jump'ejlel i cha'c'al ti mojt jiñach Jaquín, i yum jini i cha'p'ejlel i cha'c'al ti mojt jiñach Gamul, i yum jini i yuxp'ejlel i cha'c'al ti mojt jiñach Delaía, i yum jini i champ'ejlel i cha'c'al ti mojt jiñach Maazías.

¹⁹Ti jujunmojt tsi' meleyob i ye'tel ti Templo che' bajche' tsa' aq'uenti i ye'tel cha'an lac Yum i Dios Israel ti' tojlel i ñojte'el i c'aba' Aarón.

²⁰I p'olbal Leví jiñobach iliyi: Amram; i p'olbal Amram jiñach Subael. I yalobil Subael jiñach Jehedías. ²¹Rehabías yic'ot i pi'lob. Jini ascuñaλ bλ i yalobil Rehabías jiñach Isías.

²²Izhar yic'ot i pi'lob, Selomot, yic'ot i p'olbal i c'aba' Jahat.

²³Jini ch'iton bλ i yalobilob Hebrón jiñobach iliyi: Jerías jini ascuñaλ bλ i yalobil, Amarías jini i cha'ticlel bλ i yalobil, Jahaziel jini i yuxticlel bλ i yalobil, Jecamán jini i ch'anticlel i yalobil. ²⁴⁻²⁵I yum i pi'lob Uziel jiñach i yalobil Uziel i c'aba' Micaía. Yambλ yumlob jiñobach Samir yic'ot Isías i butsob Uziel, yic'ot i yalobil Isías i c'aba' Zacarías. ²⁶⁻²⁷I yumob i pi'lob Merari jiñobach i yalobilob i c'aba' Mahli yic'ot Musi. Beno i yalobil bλ Jaazías jiñach i yum i pi'lob Jaazías, yic'ot Soham, Zacur, Ibri. ²⁸⁻²⁹I p'olbal Mahli jiñach Eleazar yic'ot Cis. Ma'anic ch'iton bλ i yalobilob Eleazar. An i yalobil Cis

i c'aba' Jerameel. ³⁰Jini ch'iton ba i yalobilob Musi jiñobach iliyi: Mahli, Edar, Jerimot.

Jiñobach i p'olbalob Leví ti mojt ti mojt. ³¹Che' bajche' tsi' cha'leyob yajcaya ti alas i p'olbal Aarón, che' ja'el tsi' meleyob i p'olbal Leví cha'an mi' yalq'uentelob i ye'tel, mi wen ñuc ba mi ch'och'oc ba. Tsi' cha'leyob yajcaya ti' tojlel jini rey David, yic'ot ti' tojlel Sadoc, yic'ot Ahimelec, yic'ot jini ñuc taco' ba i ye'tel ti' tojlel motomajob yic'ot levíjob.

Jini xc'ayob yic'ot jini mu' ba i ñijcañob música tac

25 David yic'ot jini año' ba i ye'tel ti Tabernáculo tsi' wa'chocoyob winicob cha'an mi' cha'leñob subt'an che' woli ti ñijcanel jini arpa, yic'ot címbalo tac yic'ot salterio. I cha'añob Asaf, yic'ot Hemán, yic'ot Jedutún ili winicob. Jiñobach i c'aba' tac yic'ot i ye'tel: ²Asaf jini x'alt'an ti' tojlel rey, yic'ot i yalobilob: Zacur, José, Netanías, Asarela. ³Jedutún tsi' teche i yalq'uen wocolix i yala lac Yum che' woli ti ñijcanel jini arpa. Jini ch'iton ba i yalobilob jiñobach iliyi: Gedalías, Zeri, Jesaías, Hasabías, Matatías, Simei. ⁴⁻⁵Hemán jiñach i motomaj rey. I yalobilob Hemán año' ba ti' wenta jiñobach iliyi: Buquíás, Matanías, Uziel, Sebel, Jeremot, Hananías, Hanani, Eliata, Gidalti, Romantiezer, Josbecasa, Maloti, Hotir, Mahaziot. (Dios tsi' yalq'ue chlanlujuntiquil (14) ch'iton ba i yalobilob yic'ot uxtiquil xch'oc ba i yalobilob.) ⁶⁻⁷Tsi' ñijcayob címbalo, yic'ot salterio, yic'ot arpa tac. Jini Asaf tsi' teche música che' woli' ñijcañob música tac ti Tabernáculo.

Asaf, yic'ot Jedutún, yic'ot Hemán temel tsa' ajniyob ti' wenta jini rey David. Ili uxtiquil yic'ot i pi'lob wen yujilob c'ay ti' tojlel lac Yum. Año' chlanlujunc'al yic'ot waxacp'ejl (288) ti pejtelel. Laj yujilob música.

⁸Tsi' cha'leyob yajcaya ti alas cha'an mi' wa'chocoñob jini xc'ayob che' ti' yorajlel, mi ñuc ba mi ch'o'ch'oc ba winic, mi anix i jabilel, mi maxto anic i jabilel.

⁹⁻³¹Ti ñaxan tsi' yajcayob José loq'uem ba ti' pi'lob Asaf. Ti cha'yajlel tsi' yajcayob Gedalías yic'ot lajchantiqul i yalobilob yic'ot i yerañob. Ti' yuxyajlel, Zacur yic'ot lajchantiqul i yalobilob yic'ot i yerañob. Ti' chanyajlel, Izri yic'ot lajchantiqul i yalobilob yic'ot i yerañob. Ti'

jo'yajlel, Netanías yic'ot lajchǎntiquil i yalobilob yic'ot i yerañob. Ti' wacyajlel, Buquías yic'ot lajchǎntiquil i yalobilob yic'ot i yerañob. Ti' wucyajlel, Jesarela yic'ot lajchǎntiquil i yalobilob yic'ot i yerañob. Ti' waxacyajlel, Jesahías yic'ot lajchǎntiquil i yalobilob yic'ot i yerañob. Ti' bolonyajlel, Matanías yic'ot lajchǎntiquil i yalobilob yic'ot i yerañob. Ti' lujunyajlel, Simei yic'ot lajchǎntiquil i yalobilob yic'ot i yerañob. Ti' junlujunyajlel, Azareel yic'ot lajchǎntiquil i yalobilob yic'ot i yerañob. Ti' lajchǎnyajlel, Hasabías yic'ot lajchǎntiquil i yalobilob yic'ot i yerañob. Ti' yuxlujunyajlel, Subael yic'ot lajchǎntiquil i yalobilob yic'ot i yerañob. Ti' chǎnlujunyajlel, Matatías yic'ot lajchǎntiquil i yalobilob yic'ot i yerañob. Ti' jo'lujunyajlel, Jeremot yic'ot lajchǎntiquil i yalobilob yic'ot i yerañob. Ti' wac'lujunyajlel, Hananías yic'ot lajchǎntiquil i yalobilob yic'ot i yerañob. Ti' wuc'lujunyajlel, Josbecasa yic'ot lajchǎntiquil i yalobilob yic'ot i yerañob. Ti' waxac'lujunyajlel, Hanani yic'ot lajchǎntiquil i yalobilob yic'ot i yerañob. Ti' bolonlujunyajlel, Maloti yic'ot lajchǎntiquil i yalobilob yic'ot i yerañob. Ti' junc'alel bǎ tsi' yajcayob Eliata yic'ot lajchǎntiquil i yalobilob yic'ot i yerañob. Ti' jump'ejlel i cha'c'al, Hotir yic'ot lajchǎntiquil i yalobilob yic'ot i yerañob. Ti' cha'p'ejlel i cha'c'al, Gidalti yic'ot lajchǎntiquil i yalobilob yic'ot i yerañob. Ti' yuxp'ejlel i cha'c'al, Mahaziot yic'ot lajchǎntiquil i yalobilob yic'ot i yerañob. Ti' chǎmp'ejlel i cha'c'al, Romantiezzer yic'ot lajchǎntiquil i yalobilob yic'ot i yerañob.

Xcǎntayajob yic'ot año' bǎ i ye'tel

26 Tsi' wa'chocoyob jini mu' bǎ i cǎntañob Templo, loq'uemo' bǎ ti' pi'ǎlob Asaf ti' p'olbalob Coré. I yum xcǎntayajob jiñǎch Meselemías, i yalobil bǎ Coré. ²⁻³ Jiñobǎch i yalobilob:

Zacarías jini ascuñaǎl bǎ, Jediael jini i cha'ticlel bǎ, Zebadías jini i yuxticlel bǎ, Jatniel jini i chǎnticlel bǎ, Elam jini i jo'ticlel bǎ, Johanán jini i wacticlel bǎ, Elioenai jini i wucticlel bǎ.

⁴⁻⁵ Tsa' wa'chocontiyob i yalobilob Obed Edom ja'el cha'an xcǎntayajob ti Templo. Jiñobǎch iliyi:

Semaías jini ascuñał bλ, Jozabad jini i cha'ticlel bλ, Joa jini i yuxticlel bλ, Sacar jini i chλnticlel bλ, Natanael jini i jo'ticlel bλ, Amiel jini i wacticlel bλ, Isacar jini i wucticlel bλ, Peultai jini i waxacticlel bλ.

Dios tsi' yλq'ue cabλ i yutslel i pusic'al yic'ot pejtelel jini ch'iton bλ i yalobilob.

⁶⁻⁷Wen ñucob i yalobilob Semaías ti pejtelel. Añoob i ye'tel ti' tojlel i pi'łlob. Jiñobλch iliyi: Otni, Rafael, Obed, Elzabad. Wen ch'ejlob i yerañoob ja'el, Eliú yic'ot Samaquías.

⁸Ti pejtelel i p'olbalob Obed Edom añoob cha'p'ejl i chλnc'al (62), wen ch'ejlo' bλ winicob. ⁹Ch'ejlob ja'el i yalobilob Meselemías. Añoob waxλclujuntiquil (18). ¹⁰Hosa i p'olbal bλ Merari tsi' wa'choco Simri cha'an mi' yajñel ti yumλ ti' tojlel i yalobilob, anquese mach ascuñałic. ¹¹Jini yaño' bλ i yalobilob jiñobλch iliyi: Hilcías jini i cha'ticlel bλ, Tebalías jini i yuxticlel bλ, Zacarías jini i chλnticlel bλ. Añoob uxlujuntiquil (13) ch'iton bλ i yalobilob yic'ot i yerañoob jini Hosa.

¹²Tsa' otsλbenti i c'aba' tac jini xcλntayajob cha'an Templo ti mojt ti mojt che' bajche' an i c'aba' i yumob. An ti' wenta cha'an mi' cha'leñoob e'tel ti Templo che' bajche' yaño' bλ levíjob. ¹³Che' jini tsi' cha'leyob yajcaya ti alas cha'an mi' wa'choconoob mu' bλ caj i cantañob i ti' tac Templo, mi ñuc bλ mi ch'o'ch'oc bλ. ¹⁴Jini tsa' bλ caji i cantañob i ti' Templo am bλ ti' tojel i pasibal q'uin jiñλch Selemías yic'ot i pi'łlob. Tsi' yajcayob ja'el Zacarías cha'an mi' cantan i ti' otot am bλ ti norte. Wen an i ña'tλbal Zacarías. ¹⁵Ti' tojel jini sur tsa' cλle ti' wenta jini Obed Edom. An ti' wenta i yalobilob cha'an mi' q'uelob chuqui tac yom ya' ti' yotot Dios. ¹⁶Ti' tojel i bajlibal q'uin tsa' cλle ti' wenta jini Supim yic'ot jini Hosa, yic'ot ti' i c'aba' Salequet, ya' ti' chañelal jini bij. ¹⁷Ti jujump'ejl q'uin tsa' wa'chocontiyob wactiquil levíjob cha'an mi' q'uelob i ti' Templo ba' mi' pasel q'uin, yic'ot chλntiquil ti norte, yic'ot chλntiquil ti sur. Tsa' ajniyob cha'tiquil ti otot ba' lotol tac chuqui mi' c'λjñel. ¹⁸Ya' ti' ti' Templo am bλ ti' bajlibal q'uin tsa' ajniyob chλntiquil ti jujump'ejl q'uin. Tsa' ajniyob chλntiquil ti bij am bλ ti' chañelal, yic'ot cha'tiquil λc'λl bλ ti Templo. ¹⁹Ti' pejtelel ili xcλntayajob loqu'emob ti' p'olbal Coré yic'ot Merari.

²⁰⁻²²Yaño' bλ levíjob año' bλ ti' wenta Ahías tsa' aq'uentiyob ti' wenta cha'an mi' yotsañob ti Templo jini majtañλl tac tsa'

ba i yaq'ueyob lac Yum jini winicob x'ixicob. Jini lev'job jiñobach Zetam yic'ot Joel, i yalobilo' ba Jehieli loq'uemo' ba ti' p'olbal Laadán i yalobil ba Gersón. ²³⁻²⁴Jini Sebuél i yalobil Gersón i buts ba Moisés, jiñach ñuc ba xcanta taq'uin. Tsi' q'uele pejtelel jini x'e'telob año' ba ti' wenta Amram, Izhar, Hebrón, Uziel.

²⁵I p'olbalob Eliezer ti jujunlajm jiñobach Rehabías, Jesaías, Joram, Zicri, Selomit. ²⁶Jini Selomit temel yic'ot i pi'lob tsa' wa'chocontiyob cha'an mi' q'uelob jini majtañal tsa' ba aq'uenti lac Yum cha'an jini rey David, yic'ot año' ba i ye'tel ti Israel, yic'ot i yumob soldadojob. ²⁷Come ili winicob tsi' yaclayob jini chuba'añal tsa' ba i chilyob ti guerra cha'an mi' c'ajñel ti Templo jini chuba'añal tsa' ba i chilyob ti guerra. ²⁸Tsa' c'ale ti' wenta Selomit temel yic'ot i pi'lob pejtelel jini yan tac ba chuba'añal tsa' ba aq'uenti lac Yum cha'an jini x'alt'an Samuel, yic'ot jini Saúl i yalobil Cis, yic'ot Abner i yalobil Ner, yic'ot Joab i yalobil Sarvia, yic'ot majqui tac jach tsi' yacl' majtañal.

²⁹Tsa' wa'choconti Quenanías temel yic'ot i yalobilob (loq'uemo' ba ti Izhar) cha'an mi' yochelob ti yumal yic'ot juezob ti Israel. ³⁰Jini i lum Israel am ba ti' tojel Jordán ja' ba' mi' bajlel q'uin tsa' aq'uenti ti' wenta Hasabías yic'ot i pi'lob. Año 1,700 ch'ejlo' ba ti' pejtelel. An ti' wenta bajche' mi' yajñelob israelob ti' tojlel Dios yic'ot ti' tojlel rey. Tsi' cha'leyob meloñel ja'el. ³¹⁻³²Jerías jiñach i yum 2,700 ñuc ba winicob loq'uemo' ba ti' p'olbal Hebrón. Año ti' wenta cha'an mi' cha'leñob yumantel ti' tojlel i p'olbal Rubén yic'ot Gad yic'ot jini ojilil i p'olbal Manasés. An ti' wenta bajche' mi' yajñelob winicob x'ixicob ti' wut Dios. Tsi' cha'leyob meloñel ja'el. Wen año i ña'tabal ili winicob. Tsa' wa'chocontiyob ya' ti Jazer am ba ti Galaad che' cha'c'alix jab woli' cha'len i yumantel David.

Yan tac ba x'e'telob i cha'an David

27 Tsa' t'oxle jini soldadojob israelo' ba ti lajchlanmojt. Año 24,000 soldadojob yic'ot yumalob ti jujunmojt. Tsa' pajyi jujunmojt cha'an mi' cha'leñob i ye'tel jump'ejl uw ti jujump'ejl jab. Jiñach i listajlel ti jujunmojt yic'ot i yumob:

²⁻³I yum jini ñaxan bλ junmojt jiñach Jasobeam (i yalobil Zabdiel). Añob chλmp'ejl i cha'c'al (24,000) soldadojob ti' wenta. Tsi' cha'leyob e'tel ti ñaxan bλ uw ti jujump'ejl jab.

⁴I yum i cha'mojtlet jiñach Dodai (i p'olbal Ahoh). Añob 24,000 soldadojob ti' wenta. Tsi' cha'leyob e'tel ti' cha'p'ejlel bλ uw ti jujump'ejl jab. Jini yumλ tsa' bλ i colta Dodai jiñach Miclot.

⁵⁻⁶I yum jini i yuxmojtlet jiñach Benaía. Añob 24,000 soldadojob ti' wenta. Tsi' cha'leyob e'tel ti' yuxp'ejlel bλ uw ti jujump'ejl jab. (Benaía jiñach i yalobil jini ñuc bλ motomaj i c'aba' Joiada. Benaía i yumach jini Lujuntiquil i Cha'c'al ñuc bλ yumλob ti' tojlel i soldadojob David.) I yalobil Benaía i c'aba' Amisabad tsi' ch'λmbe i ye'tel Benaía ti' tojlel soldadojob.

⁷I yum jini i chλnmojtlet jiñach Asael (i yeran Joab). Añob 24,000 soldadojob ti' wenta. Tsi' cha'leyob e'tel ti' chλmp'ejlel uw ti jujump'ejl jab. Ti wi'il i yalobil Asael i c'aba' Zebadías tsi' q'uexola i tat.

⁸I yum jini i jo'mojtlet bλ jiñach Samhut ch'oyol bλ ti Izrah. Añob 24,000 soldadojob ti' wenta. Tsi' cha'leyob e'tel ti' jo'p'ejlel bλ uw ti jujump'ejl jab.

⁹I yum jini i wλcmojtlet bλ jiñach Ira (i yalobil Iques ch'oyol bλ ti Tecoa). Añob 24,000 soldadojob ti' wenta. Tsi' cha'leyob e'tel ti' wλcp'ejlel bλ uw ti jujump'ejl jab.

¹⁰I yum jini i wucmojtlet bλ jiñach Heles ch'oyol bλ ti Pelón am bλ ti Efraín. Añob 24,000 soldadojob ti' wenta. Tsi' cha'leyob e'tel ti' wucp'ejlel bλ uw ti jujump'ejl jab.

¹¹I yum jini i waxλcmojtlet bλ jiñach Sibecai (i p'olbal bλ Husat ch'oyol bλ ti Zera). Añob 24,000 soldadojob ti' wenta. Tsi' cha'leyob e'tel ti' waxλcp'ejlel bλ uw ti jujump'ejl jab.

¹²I yum jini i bolonmojtlet bλ jiñach Abiezer (i p'olbal bλ Benjamín ch'oyol bλ ti Anatot). Añob 24,000 soldadojob ti' wenta. Tsi' cha'leyob e'tel ti' bolomp'ejlel bλ uw ti jujump'ejl jab.

¹³I yum jini i lujunmojtlet bλ jiñach Maharai ch'oyol bλ ti Netofat am bλ ti Zera. Añob 24,000 soldadojob ti' wenta. Tsi' cha'leyob e'tel ti' lujump'ejlel bλ uw ti jujump'ejl jab.

¹⁴I yum jini junlujunmojtlet bλ jiñach Benaía ch'oyol bλ ti Piratón am bλ ti Efraín. Añob 24,000 soldadojob ti' wenta. Tsi' cha'leyob e'tel ti' junlujump'ejlel bλ uw ti jujump'ejl jab.

¹⁵I yum jini lajch Δ nmojt Δ el ba jiñach Heldai ch'oyol ba Netof am ba ti' lumal Otoniel. Año Δ 24,000 soldadojob ti' wenta. Tsa' cha'leyob e'tel ti' lajch Δ mp'ejl Δ el ba uw ti jujump'ejl jab.

¹⁶⁻²²Jini ñuc ba yum Δ lob ti' tojlel jujunmojt i p'olbalob Israel jiñob Δ ch iliyi:

Cha'an Rubén, jiñach Eliezer (i yalobil Zicri). Cha'an Simeón, jiñach Sefatías (i yalobil Maaca). Cha'an Leví, jiñach Hasabías (i yalobil Kemuel). Cha'an i p'olbalob Aarón, jiñach Sadoc. Cha'an Judá, jiñach Eliú (i yeran jini rey David). Cha'an Isacar, jiñach Omri (i yalobil Micael). Cha'an Zabulón, jiñach Ismaías (i yalobil Abdías). Cha'an Neftalí, jiñach Jerimot (i yalobil Azriel). Cha'an Efraín, jiñach Oseas (i yalobil Azazías). Cha'an ojlil i p'olbal Manasés, jiñach Joel (i yalobil Pedaías). Cha'an jini yamba ojlil Manasés am ba ti Galaad, jiñach Iddo (i yalobil Zacarías). Cha'an Benjamín, jiñach Jaasiel (i yalobil Abner). Cha'an Dan, jiñach Azareel (i yalobil Jeroham).

²³Pero David ma'anic tsi' ch' Δ ma ti tsic jini maxto ba anic junc'al i jabilel, come lac Yum Dios tsi' wan sube cha'an mi caj i p'ojlesan jini israelob che' bajche' ec' ti panchan. ²⁴Joab (i yalobil Sarvia) tsa' caji i ñop i tsic, pero ma'anic tsa' ujt Δ i i tsic, come tsa'ix tili jini wocol ti' tojlel israelob cha'an i mich'lel lac Yum. Che' jini ma'anic tsi' laj otsa ti jun jini rey David jaytiquilob jini winicob ti pejtelel.

²⁵Ti jim ba ora jini Azmavet (i yalobil Adiel) an i ye'tel ti ñuc ba xcanta taq'uin ti' tojlel jini rey David. Jini Jonatán (i yalobil Uzías) tsa' cale ti' wenta cha'an mi' cantan pejtelel taq'uin yic'ot chuba'añal ti wen melbil ba tejclum tac ti pejtelel Israel.

²⁶Jini Ezri (i yalobil Quelub) tsa' cale ti' wenta cha'an mi' q'uel pejtelel e'tel ti cholet tac i cha'an ba rey. ²⁷Jini Simei ch'oyol ba ti Ramat tsa' cale ti' wenta cha'an mi' cantan jini ts'usubil tac i cha'an rey. Jini Zabdi ch'oyol ba ti Sifmi tsa' ajni ti' wenta cha'an mi' q'uel pejtelel jini e'tel cha'an i chajp Δ ntel i ya'lel ts'usub yic'ot bajche' mi' lojt Δ el. ²⁸Jini Baalhanán ch'oyol ba ti Geder tsa' cale ti' wenta jini olivojil, yic'ot jini higuera Δ jil an tac ba ti joct Δ al lac'la ba'an i lumal filisteojob. Tsa' cale ti' wenta Joás cha'an mi' q'uel ba' mi' lojt Δ el tac jini aceite.

²⁹Jini wacax tac am ba ya' ti Sarón tsa' c'ale ti' wenta Sitrai ch'oyol ba ti Sarón. Jini wacax tac am ba ya' ti joctal, tsa' c'ale ti' wenta cha'an mi' q'uel jini Safat (i yalobil Adlai). ³⁰Jini Obil ch'oyol ba ti lumal Ismael tsa' c'ale ti' wenta cha'an mi' q'uel jini camello tac. Jini Jehedías ch'oyol ba ti Meronot tsa' c'ale ti' wenta cha'an mi' q'uel jini burro tac. ³¹Jini Jaziz jini agareño tsa' c'ale ti' wenta cha'an mi' q'uel jini tiñame' tac. Jini winicob ti pejtelelob jiñobach tsa' ba i melbeyob i ye'tel jini rey David.

³²Jonatán, i yumijel David, an i ña'tabal ti pejtelel e'tel tac. Jiñach consejero i cha'an David. Yujilix ts'ijb. Uts i pusic'al jini winic. Jonatán yic'ot Jehiel (i yalobil Hacmoni) tsi' cantesayob i yalobilob jini rey David.

³³Ahitofel tsa' wa'choconti cha'an i yaj toj'esaya jini rey David. Jiñach ñuc ba i consejero. Husai jini arqui tsa' c'ale ti' yaj toj'esaya jini rey David. ³⁴Joiada (i yalobil Benaía) yic'ot Abiatar tsi' ch'ambeyob i ye'tel Ahitofel che' ba tsi' c'ayal. Joab tsa' ochi ti' yum jini soldadojob.

Salomón tsi' tajbe i yumantel i tat David

28 David tempa c'otel ti Jerusalén pejtél jini ñuc taco' ba i ye'tel. Jiñobach iliyi: I yumob israelob ti jujunmojt yic'ot i yumob soldadojob ti jujunmojt, yic'ot jini wa'chocobilo' ba ti xcantaya año' ba ti' wenta pejtél chuqui tac an ti' tojlel jini rey yic'ot i yalobilob, yic'ot pejtél yaño' ba woliyo' ba ti yumantel. ²Che' jini tsa' xit' ch'ojyi jini rey David. Che' wa'alix tsa' caji ti t'an: C pi'alob mu' ba la' ñich'tabeñon c t'an, tsac ña'ta c wa'chocon otot ba' mi mejlel i yajñel jini Arca ba' lotol i trato lac Yum, cha'an ya' mi' chumtal lac Yum Dios. Tsa'ix ujti c laj chajpan pejtelel chuqui yom cha'an mi' mejlel jini Templo. ³Pero lac Yum Dios tsi' subeyon: “Mach yomic ma' wa'chocobeñon cotot, come tsa'ix a wen cha'le guerra jatet. Tsa' bec'be cabal i ch'i'ch'el winicob”, che'en. ⁴Pero lac Yum i Dios Israel tsa'ix i yajcayon ti' tojlel pejtelel c ñojte'elob, cha'an mic cha'len yumal joñon quic'ot c p'olbalob ti pejtelel ora ti' tojlel Israelob. Come tsi' yajca Judá cha'an mi' yochel ti yumal. Ti' tojlel Judá lac Yum tsi' yajca i yotot c tat. Ti' tojlel i yalobilob c tat tsi' yajcayon cha'an mi' wa'chocoñon ti rey ti' tojlel pejtelel israelob. ⁵Ti' tojlel pejtelel jini calobilob (come

lac Yum tsi' yɔq'ueyon cabɔl calobilob), tsa' yajcɔnti Salomón cha'an mi' cha'len i yumɔntel tij q'uexol ti Israel. ⁶Lac Yum tsi' chɔn subeyon: “Jini a walobil Salomón mi caj i wa'chocbeñon cotot, come tsac yajca cha'an calobil. Mi caj i tatiñon. ⁷Mi caj c buchchocon ti' yumɔntel yic'ot i yalobil ti pejtelel ora mi chɔn xuc'ul mi' jac' pejtelel c mandar yic'ot c subal ti pejtelel ora che' bajche' ti ili ora”. Che' tsi' yɔɔ lac Yum, che'en David.

⁸David tsi' sube Salomón: Wale ti' tojlel pejtelel jini israelob, i cha'año' bɔ lac Yum, yic'ot ti' wut Dios, wolij cantesañet cha'an ma' jac' ti xuc'ul pejtelel i mandar lac Yum Dios, cha'an ma' ch'ɔm ti a wenta jini uts'at bɔ pañimil, cha'an ma' cɔy ti' wenta a walobilob ti wi'il bɔ ora, cha'an mi' cha'leño' i yumɔntel ti pejtelel ora. ⁹Jini cha'an, calobil Salomón, yom ma' wen cɔn Dios, i Dios a ñojte'el. Ch'ujutesan ti pejtelel a pusic'al yic'ot ti' tijicñɔyel a pusic'al. Come lac Yum mi' wen cɔmben i pusic'al winicob x'ixicob. Mi' cɔmbeño' i pensar. Che' ma' sajcan lac Yum, mi caj a taj. Pero mi tsa' cɔyɔ, mi caj i junyajlel cɔyet. ¹⁰Jini cha'an wale chɔcɔ q'uele a bɔ, come lac Yum tsa'ix i yajcayet cha'an ma' wa'chocoben jini ch'ujul bɔ i yotot. Wale yom ma' ch'ejl'esan a bɔ cha'an ma' wujtesan jini e'tel. Che' tsi' yɔɔ David.

¹¹Che' jini David tsi' laj aq'ue i yalobil Salomón i planojlel jini Templo, yic'ot i patio, yic'ot ba' mi' lojtel tac jini chubɔ'añɔl, yic'ot i mal tac jini otot, yic'ot jini tsalɔl tac, yic'ot jini Arca ba' mi' ñusɔntel mulil. ¹²Che' ja'el tsi' cɔybe i planojlel tac i patio jini Templo, yic'ot jini tsalɔl tac ti' joytɔlel, yic'ot ba' mi' lojtel chuqui tac an i cha'an lac Yum, yic'ot ba' mi' yotsɔntel jini majtañɔl tac. David tsi' yɔq'ue ti pejtelel che' bajche' tsa' pɔsbenti ti Espíritu. ¹³Che' ja'el David tsi' sube Salomón bajche' yom i ye'tel jini motomajob yic'ot lev'ijob ti jujunmojt. Tsi' sube baqui lotol jujunchajp e'tijibal cha'an i ye'tel lac Yum ya' ti Templo.

¹⁴David tsi' yɔɔ bajche' c'amel yom mi' c'ɔjñel i yalel jini oro yic'ot plata cha'an pejtelel mu' bɔ i c'ɔjñel tac. ¹⁵Tsi' p'isbe ja'el i yalel jini oro cha'an mi' mejlel jini lámpara* tac yic'ot ba' mi' ts'ɔjbel c'ajc tac. Che' ja'el tsi' p'isbe i yalel jini plata cha'an jujump'ejl i te'el c'ajc yic'ot ba' mi' ts'ɔjbel c'ajc. Ts'ɔcɔl tsi' laj aq'ue che' bajche' onlel yom. ¹⁶Che' ja'el tsi' p'isbe i yalel oro cha'an mi' mejlel jini mesa* ba' mi' pɔsbentel waj

lac Yum yic'ot yan tac ba mesa melbil ba ti oro. Tsi' p'isbe i yalel plata cha'an mi' mejlel jini mesa tac ti plata. ¹⁷Che' ja'el tsi' p'isbe i yalel jini fino ba oro cha'an mi' mejlel jini jec'o' we'elal ba' mi' joc'tal jini we'elal, yic'ot cha'an poc' tac, yic'ot vaso tac, yic'ot taza tac melbil ba ti oro yic'ot ti plata. ¹⁸Che' ja'el tsi' p'isbe i yalel jini oro cha'an mi' mejlel jini pulantib* ba' mi' pulel pom, yic'ot i yejtal ángelob sats'alo' ba i wich' mu' ba i mosob jini Arca ba' lotol i trato lac Yum. ¹⁹David tsi' sube Salomón: Lac Yum tsi' pasbeyon bajche' yom mejlel jini otot. Ts'ijbubil bajche' yom mejlel jini e'tel tac ti pejtelel, che'en.

²⁰Jini cha'an David tsi' sube i yalobil Salomón: Yom baxet. Yom ch'ejlet. Cha'len wersa cha'an jini e'tel. Mach a cha'len baq'uen yic'ot pensar, come lac Yum Dios, jini c Dios, mi caj i yajñel a wic'ot. Ma'anic mi caj i cayet. Mi caj i coltañet jinto mi' yujtel ti mejlel i yotot lac Yum. ²¹Wa' añob jini motomajob yic'ot jini lev'job mu' ba caj i cha'leñob e'tel ti Templo ti mojt ti mojt yic'ot pejtelel mu' ba i c'añob i pusic'al ti e'tel, jini año' ba i ña'tabal ti jujunchajp e'tel, yic'ot jini soldadojob, yic'ot pejtelel israelob. Mi caj i laj jac'beñetob a t'an. Che' tsi' yala David.

29 Ti wi'il David tsi' pejca pejtelel jini israelob. Tsi' subeyob: Ch'iton to jini calobil Salomón tsa' ba yajcanti cha'an lac Yum. Maxto anic cabal i pusic'al. Wen ñuc jini e'tel, come jini Templo mach lajalic bajche' i yotot winicob, pero i yototlach lac Yum Dios. ²Joñon ti pejtelel c ch'ejlel tsac chajpa pejtelel chuqui yom cha'an i Templo lac Dios. Tsac tempa oro cha'an mi' mejlel chuqui tac yom ti oro, yic'ot plata cha'an chuqui tac yom mejlel ti plata, yic'ot bronce, yic'ot tsucu taq'uin, yic'ot te', yic'ot cabal ónice ba xajlel, yic'ot c'ax uts'at ba xajlel, yic'ot letsem ba i tojol i ch'ajlil tac, yic'ot cabal mármol. ³Cha'an tic pusic'al jach woli cac' pejtelel c chubla'an letsem ba i tojol cha'an i melol i Templo Dios. Partejach pejtelel yan tac ba tsa'ix ba c tempa. ⁴Ti pejtelel an uxp'ejl mil talento jini oro tilem ba ti Ofir, yic'ot wucp'ejl mil talento jini plata cha'an mi' tejp'el i ts'ajquil jini otot. Wen i t'ojol che' ti pejtelel. ⁵Jini oro yic'ot plata mi caj i c'ajñel cha'an pejtelel yom ba melol ti oro yic'ot ti plata, yic'ot cha'an i ch'ajlil tac. Wale ¿majqui yom i yalq'uen i majtan lac Yum? La' i yac' ti jump'ejl i pusic'al, che'en.

⁶⁻⁷Che' jini pejtelel jini ñoxob, yic'ot jini ñuc taco' bΛ i ye'tel ti jujunmojt i p'olbal israelob, yic'ot i yum soldadojob, temel yic'ot pejtelel jini x'e'telob i cha'an rey, tsa' caji i yΛc'ob jini majtañal tac tilemo' bΛ ti' pusic'al. Ti pejtelel tsa' tempay i jo'p'ejl mil talento yic'ot lujump'ejl dracma jini oro, yic'ot lujump'ejl mil talento jini plata, yic'ot jumbajc' tonelada jini bronce, yic'ot jump'ejl mil tonelada jini tsucu taq'uin. ⁸Ti pejtelel año' bΛ i cha'an jini c'ax uts'at bΛ xajlel, tsi' yΛc'Λyob cha'an i yotot Dios. Tsi' yΛq'ueyob ti' wenta Jehiel (i p'olbal Gersón) jini ñuc bΛ xcΛnta taq'uin. ⁹Che' jini wen tijicña tsi' yubiyob pejtelel jini winicob, come ti pejtelel tsi' yΛc'Λyob che' bajche' tilem ti' pusic'alob. Jujuntiquil tsi' yΛq'ueyob i majtan lac Yum. Tijicña jax tsi' yubi jini rey David.

¹⁰David tsi' subu i ñuclel lac Yum ti' tojlel pejtelel jini israelob. Tsi' yΛΛ: La' subjic a ñuclel c Yum, i Dioset bΛ Israel, come ñuquet ti oñiyi yic'ot ti pejtelel ora. ¹¹A cha'añach a ñuclel yic'ot a p'ΛtΛlel, yic'ot a c'uxbintel, yic'ot a yumΛntel, yic'ot pejtelel chub'añal. Come laj a cha'añach ti panchan yic'ot ti pañimil. C Yum a cha'añach a yumΛntel. Mi' yujtel che' bajche' a wom ti pejtelel pañimil. ¹²Pejtel c chub'Λan lojon yic'ot c ñuclel lojon ya' ch'oyol ba' añet. Jatet jach yumΛlet. Tilemach ti a pusic'al che' ma' wΛq'ueñob i p'ΛtΛlel winicob, che' ma' coltañob. ¹³Jini cha'an wale c Yum Dios, mic ñuq'uesan lojon a c'aba'. Mic subeñet lojon wocolix a wΛΛ.

¹⁴Come ¿majquiyon? ¿Chuqui j c'Λjñibal lojon cha'an ma' ch'Λm a majtan mu' bΛ cΛq'ueñet lojon? Come laj a cha'añach c chub'Λan lojon. Chuqui tac jach mi cΛq'ueñet lojon, jatet tsa' wΛn aq'ueyon lojon. ¹⁵Come xñumelon lojon jach. Ma'anic chuqui an c cha'an lojon ti a tojlel. Che' bajche' tsa' chΛmiyob c ñojte'elob, che'Λch ja'el mi caj c chΛmel lojon, che' bajche' jini axñal mu' bΛ i cha'len xΛmbal ti ora. ¹⁶Jini cha'an wale c Yum Dios, pejtelel jini tsa' bΛ c tempa lojon cha'an mi' mejlel jini ch'ujul bΛ a wotot, laj tilemach ti a tojlel. A cha'añach. ¹⁷C Yum Dios, cujil jatet ma' cΛmben i pusic'al winicob x'ixicob. Uts'at ma' q'uelob che' mi' melob chuqui uts'at ti jump'ejl i pusic'al. Ti pejtelel c pusic'al tsa'ix cΛq'ueyet ili a majtan. Che' ja'el ti pejtelelob woli' yΛq'ueñetob a majtan ti' tijicñayel i pusic'al. ¹⁸C Yum Dios, i Dioset bΛ Abraham yic'ot Isaac yic'ot c ñojte'el lojon

Israel, chΛn aq'ueñob i yutslel i pusic'al a winicob, cha'an mi' chΛn sΛclañetob ti pejtelel ora. ¹⁹Xuc'chocoben i pusic'al jini calobil Salomón, cha'an mi' chΛn jac'beñet a mandar yic'ot a t'an yic'ot a subal ti pejtelel ora, cha'an ts'ΛclΛ mi' melob pejtél chuqui tac yom, cha'an mi' yujtel i wa'chocontel a wotot. Come jini cha'an tsa'ix c chajpa ti pejtelel c pusic'al. Che' tsi' yΛΛΛ David.

²⁰David tsi' sube jini tempΛbilo' bΛ winicob: Subenla i ñuclel lac Yum Dios, che'en. Che' jini pejtelel israelob tsa' caji i subeñob i ñuclel lac Yum i Dios i ñojte'elob. Tsi' c'uchchocoyob i bΛ ti' tojlel lac Yum yic'ot ti' tojlel jini rey.

²¹Tijicñayob tsa' caji i tsΛnsΛbeñob i majtan tac lac Yum. Che' ti yijc'ΛlΛl tsi' pΛyΛyob tilel jump'ejl mil aΛΛ tat wacax, yic'ot jump'ejl mil tat tiñΛme', yic'ot jump'ejl mil aΛΛ tiñΛme' cha'an tsΛnsΛbil bΛ i majtan tac lac Yum. Jini israelob tsi' yΛc'Λyob ja'el majtañΛΛ tac mu' bΛ i jajpel, yic'ot cabΛ yan tac bΛ majtañΛΛ.

²²Ti jim bΛ q'uin tsi' cha'leyob we'el uch'el ti' tojlel lac Yum yic'ot cabΛ i tijicñayelob i pusic'al. Ti cha'yajlel tsi' wa'chocoyob ti rey jini Salomón i yalobil David. Tsi' boñoyob ti xojocña bΛ ts'ac come yajcΛbil i cha'an lac Yum cha'an mi' yochel ti rey ti' tojlel israelob. Tsa' wa'choconti ti motomaj jini Sadoc. ²³Che' jini lac Yum tsi' yajca Salomón cha'an mi' buchtΛl ti' yumΛntel David i tat. Wen uts'at tsa' caji i mel i ye'tel. Pejtelel israelob tsa' caji i jac'beñob i t'an. ²⁴Pejtelel jini ñuc taco' bΛ i ye'tel yic'ot i yumob soldadojob temel yic'ot pejtelel i yalobilob David tsa' caji i melbeñob chuqui yom jini rey Salomón. ²⁵Lac Yum tsa' caji i wen coltan jini Salomón. Pejtelel jini israelob tsi' wen p'isiyob ti wenta. Ñumen ñuc tsa' q'uejli che' bajche' i tat.

Tsa' chΛmi David

(1 R. 2.10-12)

²⁶⁻²⁷Cha'c'al jab tsa' ajni David ti rey ti Israel. Wucp'ejl jab tsi' cha'le i yumΛntel ya' ti Hebrón. Uxlujump'ejl i cha'c'al (33) jab tsi' cha'le i yumΛntel ya' ti Jerusalén.

²⁸Che' bΛ tsa' chΛmi anix cabΛ i jabilel, wen ñoxix, cabΛ i chubΛ'an. An cabΛ i ñuclel. Salomón tsa' caji i cha'len i yumΛntel ti' q'uexol i tat. ²⁹Pejtelel i melbal tac David tsa'

bλ i mele ti ñaxan yic'ot ti wi'il bλ ora, laj ts'ijbubilλch ya' ti' jun jini x'alt'an Samuel yic'ot ti' jun jini x'alt'an Natán, yic'ot ti' jun jini x'alt'an Gad. ³⁰Ts'ijbubil ti ili jun tac pejtelel i ye'tel, yic'ot i p'λtλlel, yic'ot bajche' tsi' ñusa q'uin ti' tojlel jini israelob yic'ot ti' tojlel yan tac bλ colem tejclum.